





金薤琳琅卷第十一

太僕少卿吳郡都

穆



唐千福寺多寶佛塔碑

唐顏魯公與郭僕射書

唐西京千福寺多寶佛塔感應碑

南陽岑勛撰朝議郎判尚書武部

員外郎琅邪顏真卿書朝散大夫

檢校尚書都官郎中東海徐浩題

粵妙法蓮華諸佛之祕藏也多寶佛塔證經之踴現也發明資乎十力弘建在於四依有



禪師法號楚金姓程廣平人也祖父並信著  
釋門慶歸法猶母高氏久而無妊夜夢諸佛  
覺而有娠是生龍象之徵無取熊羆之兆誕  
彌厥月炳然殊相岐嶷絕於葷茹髻鬣不為  
童遊道樹萌芽聳豫章之楨幹禪池畎噲涵  
巨海之波濤年甫七歲居然厭俗自誓出家  
禮藏探經法華在手宿命潛悟如識金環總  
持不遺若注瓶水九歲落髮住西京龍興寺  
從僧籙也進具之年昇座講法頓收珍藏異  
窮子之疾走直詣寶山無化城而可息爾後

因靜夜持誦至多寶塔品身心泊然如入禪  
定忽見寶塔宛在目前釋迦分身遍滿空界  
行勤聖現業淨感深悲生悟中淚下如雨遂  
布衣一食不出戶庭期滿六年誓建茲塔既  
而許王權及居士趙崇信女普意善來稽首  
咸捨珍財禪師以為輯莊嚴之因資爽塏之  
地利見千福默議於心時千福有懷忍禪師  
忽於中夜見有一水發源龍興流注千福清  
澄泛灩中有方舟人見寶塔自空而下久之  
乃滅即今建塔處也寺內淨人名法相先於



其地復見燈光遠望則明近尋即滅竊以水流開於法姓舟泛表於慈航塔現兆於有城燈明示於無盡非至德精感其孰能與於此及禪師建言雜然歡愜負畚荷挿于橐于囊登登憑憑是板是築灑以香水隱以金鉗我能竭誠工乃用壯禪師每夜於築階所懇志誦經勵精行道衆聞天樂咸嗅異香喜歎之音聖凡相半至天寶元載創構材木肇安相輪禪師理會佛心感通帝夢七月十三日勅內侍趙思侶求諸寶坊驗以所夢入寺見塔

禮問禪師聖夢有孚法名惟肖其日賜錢五十萬絹千匹助建修也則知精一之行雖先天而不違純如之心當後佛之授記昔漢明永平之日大化初流我皇天寶之年寶塔斯建同符千古昭有烈光於時道俗景附檀施山積庀徒度財功百其倍矣至二載勅中使楊順景宣旨令禪師於花萼樓下迎多寶塔額遂總僧事備法儀宸睞俯臨額書下降又賜絹千<sub>百</sub>疋聖札飛毫動雲龍之氣象天文挂塔駐日月之光輝至四載塔事將就表請慶



齋歸功帝力。時僧道四部會逾萬人。有五色雲團輔塔頂。衆盡瞻覩。莫不崩悅。大哉觀佛之光。利用賓于法王。禪師謂同學曰。鵬運滄溟。非雲羅之可頓心。遊寂滅。豈愛網之能加。精進法門。菩薩以自強不息。本期同行復遂。宿心鑿井見泥。去水不遠。鑽木未熟。得火何階。凡我七僧。聿懷一志。晝夜塔下。誦持法華。香烟不斷。經聲遞續。炯以爲常。沒身不替。自三載每春秋二時。集同行大德四十九人。行法華三昧。尋奉恩旨。許爲恒式。前後道場所。

感舍利凡三千七十粒。至六載。欲葬舍利。預嚴道場。又降一百八粒。畫普賢變於筆鋒上。聯得一十九粒。莫不圓體。自動浮光。瑩然禪師無我觀身了空。求法先刺血。寫法華經一部。菩薩戒一卷。觀普賢行經一卷。乃取舍利三千粒。盛以石函。兼造自身石影。跪而戴之。同置塔下表。至敬也。使無舟遷。夜壑無變度。門。劫算墨塵。永垂貞範。又奉為主上及蒼生。寫妙法蓮華經一千部。金字三十六部。用鎮寶塔。又寫一千部。散施受持。靈應旣多。具如



本傳其載勅內侍吳懷實賜金銅香爐高一  
丈五尺奉表陳謝手詔批云師弘濟之願感  
達人天莊嚴之心義成因果則法施財施信  
所宜先也主上握至道之靈符受如來之法  
印非禪師大慧超悟無以感於宸衷非主上  
至聖文明無以鑒於誠願倬彼寶塔為章梵  
宮經始之功真僧是葺克成之業聖主斯崇  
爾其為狀也則岳聳蓮披雲垂蓋偃下欵岨  
以踴地上亭盈而媚空中晻晻其靜深旁赫  
赫以弘敞礪礪承陛琅玕綵檻玉璵居楹銀

黃拂戶重簷疊於畫拱反宇環其壁璫坤靈  
巔巔以負砌天祗儼雅而翊戶或復肩挈摯  
鳥肘掞脩虵冠盤巨龍帽抱猛獸勃如戰色  
有奘其容窮繪事之筆精選朝英之偈贊若  
乃開扃鑄窺奧祕二尊分座疑對鷲山千帙  
發題若觀龍藏金碧晃晃環珮歲蕤至於列  
三乘分八部聖徒翕習佛事森羅方寸千名  
盈尺萬象大身現小廣座能卑須彌之容欵  
入芥子寶蓋之狀頓覆三千昔衡岳思大禪  
師以法華三昧傳悟天台智者爾來寂寥罕



契真要法不可以久廢生我禪師克嗣其業  
繼明二祖相望百年夫其法華之教也開元  
關於一念照圓鏡於十方指陰界為妙門駢  
塵勞為法侶聚沙能成佛道合掌已入聖流  
三乘教門總而歸一八萬法藏我為最雄譬  
猶滿月麗天螢光列宿山王映海蟻垤郡峯  
嗟乎三界之沉寐久矣佛以法華為木鐸惟  
我禪師超然深悟其貌也岳瀆之秀冰雪之  
資果脣貝齒蓮日月面望之屬即之溫覩相  
未言而降伏之心已過半矣同行禪師抱玉

飛錫襲衡台之祕躅傳止觀之精義或名高  
帝選或行密衆師共弘開示之宗盡契圓常  
之理門人苾芻如巖靈悟淨真真空法濟等  
以定慧為文質以戒忍為剛柔含朴玉之光  
輝等旃檀之圍繞夫發行者因因圓則福廣  
起因者相相遣則慧深求無為於有為通解  
脫於文字舉事徵理含毫強名偈曰佛有妙  
法比象蓮華圓頓深入真淨無瑕慧通法界  
福利恒沙直至寶所俱乘大車其於戲上士  
發行正勤緬想寶塔思弘勝因圓階已就層



覆初陳乃昭帝夢福應天人其輪奐斯崇為  
章淨域真僧草創聖主增飾中座耽耽飛簷  
翼翼荐臻靈感歸我帝力其念彼後學心滯  
迷封昏衢未曉中道難逢常驚夜杌還懼真  
龍不有禪伯誰明大宗其大海吞流崇山納  
壤教門稱頓慈力能廣功起聚沙德成合掌  
開佛知見法為無土其情塵雖雜性海無漏  
定養聖胎染生迷轂斷常起縛空色同謬蒼  
荀現前餘香何嗅其形形法字繫我四依事  
該理暢玉粹金輝慧鏡無垢慈燈照微空王

可託本願同歸其

天寶十一載歲次壬辰四月乙丑朔廿

二日戊戌建勅檢校塔使正議大夫行

內侍趙思偁判官內府承車沖檢校僧

義方河南史華刻

丙申七月廿五日甲午以周淑明兄家拓本校

右千福寺多寶塔碑唐岑勛撰顏真卿  
正顏公之書多矣惟此碑盛傳人間歐  
陽公作集古錄跋尾而此獨見遺惟趙  
氏金石錄有之謂多寶塔者僧楚金所  
造楚金嘗寫法華經千餘部寘塔中趙



氏復謂於七大夫家數見之則楚金之書至宋猶有存者碑今在陝西西安府學

唐顏魯公與郭僕射書

十一月字缺一日金紫光祿大夫檢校刑部尚書上柱國魯郡開國公顏真卿謹奉書于右僕射定襄郡王郭公閣下蓋太上有立德其次有立功是之謂不朽抑又聞之端揆者百察之師長諸侯王者人臣之極地今僕射挺不朽之功業當人臣之極地豈不以財爲世

出功冠一時挫思明跋扈之師抗廻紇無馱之請故得身畫凌煙之閣名藏太空之廷吁威足畏也然羨則羨矣然而終始之難故曰滿而不溢所以長守富也高而不危所以長守貴也可不警懼乎書曰爾惟弗矜天下莫與汝爭功爾惟不伐天下莫與汝爭能以齊桓公之盛業片言勤王則九合諸侯一匡天下葵邱之會微有振矜而叛者九國故曰行百里者半九十里言晚節末路之難也從古至今裒我高祖太宗已來未有行此而不理



廢此而不亂者也。前者菩提寺行香，僕射指麾宰相與兩省臺省已下常參官並為一行坐。魚開府及僕射率諸軍將為一行坐。若一時從權猶未可，何況積習更行之乎？一昨以郭令公父子之軍破犬犖逆之衆，衆情欣喜，恨不頂而戴之。是用有興道之會，僕射又不悟前失，徑率意而指麾，不顧班秩之高下，不論文武之左右，苟以取悅軍容為心，曾不顧百寮之側目，亦何異清晝攫金之士哉？甚非謂也。君子愛人以禮，不聞姑息。僕射得不

深念之乎？真卿竊聞軍容之為人，清修梵行，深入佛海，况乎收東京有殄賊之業，守陝城有戴天之功，朝野之人所共貴仰，豈獨有分於僕射哉？加以利衰塗割，恬然於心，固不以一毀如怒，一敬如喜，尚何半席之座，咫尺之地，汨其志哉？且鄉里上齒，宗廟上爵，朝廷上位，皆有等威，以明長幼，故得彝倫叙而天下和平也。且上自宰相御史大夫，兩省五品以上供奉官，自為一行，十二衛大將軍次之，三師三公，令僕少師保傅尚書左右丞侍郎自



爲一行九卿三監對之從古以然未嘗差錯。至如節度軍將各有本班卿監有卿監之班將軍有將軍之位如兼軍容階雖開府官即監門將軍朝廷縱是開府特進並是勲官用蔭即有高卑會讌合依倫叙豈可裂冠毀冕反易彝倫貴者爲卑所凌尊者爲賤所偏一至於此振古未聞如魚軍容階雖開府官即監門將軍朝廷列位自有次序但以功績旣高恩澤莫二出王命衆人不敢爲比比不可令居本位須別示有尊崇只可於宰相師保

座內橫安一位如御史臺衆尊知雜事御史別置一榻使百寮共得瞻仰不亦可乎聖皇時開府高力士承恩宣傳亦只如此橫座亦不聞別有禮數亦何必令他失位如李輔國倚承恩澤徑居左右僕射及三公之上令天下疑怪乎古人云益者三友損者三友願僕射與軍容爲直諫之友不願僕射爲軍容佞柔之友又一昨蒙僕射誤欲令左右丞勾當尚書當時輒未訓對僕射權貴張目見尤介衆之中不欲顯過今者興道之會還爾遂非



再獨八座尚書欲令便向下座州縣軍城之  
禮亦恐未然朝廷公譙之且不應若此今既  
若此僕射意只應以為尚書之與僕射若州  
佐之與縣令乎若以尚書同於縣令則僕射  
見尚書令得如上佐事刺史乎字缺不然今  
既三廳齊列字缺一明不同刺史矣且尚書令  
與僕射同是二品只投上下之階六曹尚書  
並正三品又非隔品致敬之類尚書之事僕  
射禮數未敢有失僕射之顧尚書何乃欲同  
卑吏又據宋書百官志八座同是第三品隋

及國家始別作二品高自標致誠則尊崇向  
下擠排字缺一意傷甚况再於公堂字缺一吐尚  
伯當為令公初到不欲紛披僂俛就命亦非  
理屈朝廷紀綱須共存立過爾隳壞亦恐及  
身明天子忽震電含怒責戮彞倫之人則僕  
射將何字缺一以對

右唐顏魯公與郭僕射英又書世所謂  
爭坐位帖此其草也世人重公名節故  
併重其書重其書故草草之筆亦摹刻  
人其可以不立德邪



金薤琳琅卷第十一

金薤琳琅卷第十二

太僕少卿吳郡都

穆

唐嵩岳少林寺碑

唐少林寺靈運禪師碑

唐少林寺戒壇銘

唐嵩岳少林寺碑

銀青光祿大夫守吏部尚書上柱

國正平縣開國子裴灌文并書

原夫星垂梵界聖緣開萬化之先日照

缺一字

宮神跡蘊三靈之始包至虛以見世衆教久



傳於曠劫籠郡有以示凡法身初應於中古  
見神通之力廣拔苦因開智惠之門深明樂  
界鶴林變色觀其戀慕之心雁塔開扉通其  
瞻仰之路少林寺者後魏孝文之所立也東  
京近甸大室西偏正氣居六合之中清都控  
九州之會緱山北峙巨宛洛之天門潁水南  
流連荆河之雲澤信帝畿之靈境陽城之福  
地沙門跋跢者天竺人也空心元粹惠性淹  
遠傳不二法門有甚深道業緬自西域來遊  
國都孝文屈黃屋之尊申縉林之敬太和中

詔有司於此寺處之淨供法衣取給公府法  
師廼於寺西臺造舍利塔塔後造翻經堂香  
水成塗金繩為約苦心精力俾夜作晝多寶  
全身之地不日就功如來金口之說連雲可  
庇西緣長澗夾松柏之蕭森北拒深崖覆筠  
篁之冥密煙花濃靄暝下天香泉籟清音曉  
傳空樂跋跢息心茲地樂靜安居感而遂通  
境來斯證寤寐之際若有神人致石磬一長  
四尺規制自然聲律咸具得之河曲空聞漢  
使之談浮于泗濱徒入夏王之貢管絃風夜



指

合清響於中天鍾梵霜晨諧妙音於上劫時  
 有三藏法師勒那翻譯經論遊集刹土稠禪  
 師探求正法住持塔廟虬箭不居光塵易遠遠  
 虹梁所指象設猶存周武帝建德中缺一元  
 嵩之說斷釋老之教率土伽藍咸從廢毀明  
 皇帝繼明正位追崇景福大象中初復佛象  
 及天尊象廼於兩京各立一寺因孝思所置  
 以陟岵為名其洛中陟岵即此寺也隋高祖  
 受禪正朔既改徽號已殊惟此寺名特缺一  
 仍舊開皇中有詔二教初興四方普洽山林

學徒歸依者眾其柏谷屯地一百頃宜賜少  
 林寺大業之末九服分崩群盜攻剽無限真  
 俗此寺為山賊所劫僧徒拒之賊遂縱火焚  
 塔院院中眾宇倏焉同滅瞻言靈塔巋然獨  
 存天龍保持山祇福護神力所及昔未曾有  
 寺西北五十里有柏谷墅群峯合沓深谷逶  
 迤復磴緣雲俯窺龍界高頂石刻作潛字誤鳥道  
 居晉成塢在齊為郡王充僭號署曰車州乘  
 其地險以立峯戍擁兵洛邑將圖梵宮皇唐  
 應五運之休期受千齡之景命掃長蛇荐食



之患拯生塗炭之災太宗文皇帝帝龍躍太  
 原軍次廣武大開幕府躬踐戎行僧志操惠  
 瑒曇宗等審靈暎之所徃辯謳歌之有屬率  
 衆以拒僞師抗表以明大順執充姪仁則以  
 歸本朝太宗嘉其義烈頻降璽書宣慰既奉  
 優教兼承寵錫賜地四十頃水碾一具即柏谷莊是  
 也迨海宇既平憲章云始僞主寺觀盡令廢  
 除僧善護洞曉二門遠該三行詣闕進表特  
 蒙置立武德中寺有白雀見貞觀中明禪師  
 造重塔之辰白雀復瑞見璿圖肇啓初欲呈

祥寶殿纔興遽聞相賀高宗天皇大帝光紹  
 鴻業欽明至理嘗因豫遊每延聖敬咸亨中  
 乘輿~~候~~止御飛白書題金字波若碑留幡象  
 及施物永淳中御札又飛白書一飛字題寺  
 壁雲開顧鶴電搏遊龍神草兢秀於椒塗雲  
 泉迥飛於錦石雕甍增耀若綴春葩金疊分  
 輝似懸秋露天皇升遐則天大聖皇后為先  
 聖造功德垂拱中有冬竹抽笋塔院後復有  
 藤生證聖中中使送錢於藤生處修理階陛  
 寺上方普光堂功德隨日修造自爾飛鳥莫



敢翔集此寺跋陀置業造神微皇家尊崇  
事光幽秘珍符荐臻於動植靈應亟發於庭  
除累聖屬心每頌渥澤王言宸翰既疊映於  
鷄峯寶像珠幡亦交馳於龍壑皇上睿圖廣  
運神用多能藉明臺之化清繹天池之墨妙  
以此寺有先聖締構之跡御書碑額七字十  
一年冬爰降恩旨付一行師賜少林寺鐫勒  
梵天宮殿懸日月之光華佛地園林動煙雲  
之氣色漢元魏武徒銜竒於篆素鍾繇蔡邕  
虛致美於湘簡日者明勅令天下寺觀田莊

一切括責皇上以此寺地及碾先聖光賜多  
歷年所襟帶名山延袤靈跡群仙是宅邁羅  
閱之金峯上德居之掩育王之石室特還寺  
衆不入官收曾是國土崇絕天人歸仰固以  
名冠諸境禮殊恒刹矣高僧跋陀明三藏心  
禪諸門弟子惠光道房稠禪師等精勤梵行  
克傳勝業惠光弟子僧達曇隱法上法師等  
十大德亦號十英復有達摩禪師深入惠門  
津梁是寄弟子惠可禪師等玄悟法寶嘗託  
茲山周大象中寺初復選沙門中德業灼然



者置菩薩僧一百廿人惠遠法師洪遵律師  
即其數也皇唐貞觀之後有明遵慈雲玄素  
智勤律師虛求一義洞真譯之源復有大師  
諱法如為定門之首傳燈妙理弟子惠超妙  
思竒拔遠契玄蹤文翰煥然宗塗易曉景龍  
中勅中岳少林寺置大德十人數內有闕寺  
中抽補人不外假座無虛授澄什聯華林遠  
接武星霜殆周於二紀蘭菊每芳於十步上  
座寺主都維那等牢籠法藏遊息禪林德鑿  
神珠戒成甘露海內靈岳莫如嵩山山中道

缺一字茲為勝殿二室廻合八谷潺湲地匝貝

花門連石柱妙樓香閣俯映喬林金刹寶鈴  
上搖清漢法界之幽贊如彼皇家之福應如

此天長地久不傳叨利之宮劫盡塵微孰記  
鐵圍之會精求貞石博訪良工將因墨客之

詞或頌金仙之德聿宣了義遠喻真空其

恒沙國土微塵品類妄見飛奔正心蘊櫃昏  
途莫曉淨根將墜樂於蓋纏若安夢寐丞哉

大聖降跡閻浮潛廻寶軸廣運慈舟實無滅  
度示有降柔紺宮西闢白馬東流迷因慢生



悟為信起玉刹斯建寶山載峙花臺竹林清  
泉妙水靜惟真相湛然攸止巖巖高嶺河洛  
巨鎮下屬九溪上千千仞天磴重阻仙都清  
峻式創招提是資誘進婉彼上德載誕耆閣  
傳業西土演教中華孝文申敬恩錫仍加經  
營宴室迥出雲霞中岳北趾嵩高西麓斜界  
玉池洞開栢谷紆餘崗澗連延水木鬱起旃  
擅云誰卜築吾師苦行清修道場勵精豫宇  
專力經堂金界繩直栴塗水香散花有地棲  
禪得方解空應真默識開士乘盃遊集振錫

戾止翻譯幽偈發揮妙理仙磬感靈神雀降  
社運交土木代歷周隋劫火遞起魔風競吹  
法身咸翳淨國同隳或聞興復詎振崩離神  
克應期撥亂反正皇矣覺力大弘福慶式遏  
醜徒聿扶興聖累降恩旨兼敷錫命高宗時  
豫先后卜征亟廻雕輦屢倚虹旌巖題玉札  
地振金聲珍符荐至在物斯呈我皇龍興有  
典咸秩懿茲上界式儲神筆雲搖大圍鸞廻  
少室草垂仙露林昇佛日護持八正每候能  
仁跋陀降德稠公有隣厥後真侶更傳了因



辯才高行無替清塵倬焉梵衆代有明哲今  
我諸公蘊彼禪悅芳越蘅杜淨踰冰雪遠締  
津梁無非苦節穎上靈岳山間寶殿秀出梵  
天孤標神縣芥城可謁桑田有變貞石永刊  
靈花常遍

開元十六年七月十五日建

右唐嵩岳少林寺碑守吏部尚書裴淮  
撰并正書少林寺在河南登封縣少室  
山麓去嵩岳二十里嵩岳一稱太室故  
有少室而此寺曰嵩岳者統於尊也予

正德癸酉嘗遊嵩岳訪少室留宿寺中  
見殿後有立雪堂相傳昔達磨之徒惠  
可欲嗣其法雪深至腰不去此即其處  
寺右上山三里有達磨洞洞有石達磨  
面之九年形宛然石上其事甚異達磨  
為釋氏西來初祖可稱二祖碑雖及其  
人而二事皆不之載寺復有太宗與僧  
教書石刻蓋太宗為秦王時寺之僧禽  
王世充以獻故太宗賜書褒美而碑云  
僧執世充姪仁則以歸與教書不同予



故書之以見古人之文不無缺誤如此然非予之觀歷則亦莫能知也

唐少林寺靈運禪師塔功德碑并序

宣德郎試大理評事崔琪撰

聖善寺沙門勤缺

虛空廣大乎其體智慧圓融乎其用凝而不

生湛爾常寂離修離證非色非心歷微塵劫

遍缺一字沙界無量國土皆清淨無量昏暗皆

光明誰其得之吾聞諸上人矣上人諱靈運

蕭姓蘭陵人梁武帝後皇考蕭詵州恒農縣

尉初上人之生也戒珠孕於母胎定水激於

孩性內典宿植外學生知白雲凝其高志明

水峻其苦節泛如也時不能知帝以為幻境

非實泡身是妄五色令人昏五音令人聾五

味令人爽噫輪彼生滅無時息焉吾將歸根

以復于正因遊嵩山至少林寺有始終之意

焉勇氏掾于高平而上人遂緇於此郡玉立

凡石不可喻其炯然日映衆星無以方其明

者竟移隸茲寺缺一字副乎夙心無可習禪決

於龐塢珪大師潛契密得以真貫理照十方



於自空脫三界於彼著慧眼既淨色身亦如  
始知夫心外無法所得者皆夢幻耳然後觀  
大地土木無非佛刹焉空山蒼然窮歲默坐  
猿對茶椀鳥棲禪庵彼嶺雲無心即我心矣  
彼澗水無性即我性矣夫如是孰能以凡聖  
量之乎故吾在造化中如夢中也粵開元十  
有七祀夏五月廿二日不示以疾泊然而終  
苦霧晦黃於天地悲風哀咽於草木吁崩吾  
禪山涸吾法海空世界使凡百含識大千有  
情荼於是火於是可勝言哉故門人堅順獨

建靈塔於茲山奉遺教也夫碩德丕發不有  
超世先覺而出夫等夷者則曷能傳我法印  
以一燈然千萬燈乎彼上人者巖然倬立以  
定慧為藏以涅槃為山圓通於不注之境出  
沒於無涯之域適來時也適也去順也今則終  
矣瞻仰如之何夫事往則迹移歲遷則物煥  
况法與化永念從心積豈可使上人之高歿  
而不紀是斲于石以旌斯文銘曰  
上人伊何傳我法印其體也寂其行也順紛  
彼識浪洄夫夢情非照不曙非澄不清作



鑿王為大禪伯岳立松古蓮青月白一朝化  
滅六合悽愴世界颯空雲山忽曠色身謝芳  
法體存金界慘芳鐵圍昏噫我所留者惟心  
源

天寶九載四月十五日門人堅順建

右唐少林寺靈運禪師碑試大理評事

崔琪撰會善寺沙門行書而缺其名予

向遊少林愛其中碑刻時值大雪命人

榻之此其一也或謂予好奇之過而不

知予之所得抑亦多矣

少林寺戒壇銘 并序

三藏法師義淨製

粵以長安四年歲次甲辰四月七日此寺綱

維寺主義獎上字缺一智寶都維那大舉法濟

禪師及徒眾字缺一以少林山寺重結戒壇欲

令受戒懺儀共遵其處遂乃遠之都下屈諸

大德慇懃致字缺一延就山門是時我老苾芻

義淨及護律師瑳禪師思禪師恂禪師暉律

師恪律師威律師等既至寺所解舊結新僉

議此邊字缺一為小界標相永定莫疑惑于



時護鵝珍之字缺一士無召自來字缺一草結之

英賢不期而會教逾一百行道三旬共繫頸

珠俱修字缺一足誠五濁之希有慕四依之住

持虛往實歸紹隆無替庶乎字缺一田屢改長

存立石之基砂界時遷無爽布金之地恐田

成碧海嶺變青川迷此結辰乃為銘曰

羯磨法在聖教不淪式傳金口是敬是遵目

觀西域杖錫東字缺一觀盛事而隨喜聊刊紀

乎斯文

開元三年正月十五日立南館學生張

傑書

此後尚有永泰寺碑

五月廿三日較閱一也

金薤琳琅卷第十二



金薤琳琅卷第十三

太僕少卿吳郡都

穆

幽州昭仁寺碑

守諫議大夫騎都尉臣朱子奢奉勅

撰

大哉乾元寒暑違而成歲赫矣上聖禪代乖  
而為道斯則淳源既往弧矢開戡翦之利天  
下為公揖讓盛皇王之業是知聖無自我不  
皆時以成務仁維濟物乃當流而義行豈好  
異哉蓋因世而已矣若乃執契提象繼天理



物張八極叶五緯坐玄扈遊翠為受昭華而  
錫天佩觀滎河而巡溫洛補石於媧皇之世  
奠山於文命之初殊質文於車服改正朔於  
寅丑順天地而財成奄寓縣而尤宅斯固神  
宗與汎水一致文祖將晦野同歸者也隨政  
悖道區夏殲潰星亡日闕天瘥地反馭朽無  
秋駕之術履薄罕春冰之懼竭人力而醉飽  
輕神器於弈碁玉杯非藜藿之用金柱乃驕  
淫之靡旌蹕遍天下馳道窮華裒暴師韓濊  
宿兵遼碣貪石田之地忘金鏡之寶盜隸之

乘驚燕山而不息鼃鼃之梁泛蒼波其無已  
五岳維塵三川咸震大盜負其扁鐮長鯨衝  
其漏網分曹不能匡其禍衣冠無以靖其亂  
伊尹去而夏亡辛甲奔而殷滅人怨神怒衆  
叛親離觸瑟無漢臣之忠夢駭成秦宮之酷  
於是九畿幅裂竊名假號四方圜視蜂飛蝟  
結赤眉起劉樊之衆白梃奮陳吳之兵徇趙  
北而圖王反淮南而稱帝鈎爪鋸牙遞相吞  
滅茫茫禹迹溝壑無歸蒼蒼彼天何其罔極  
若乃崇替相襲天地恒其道靈貺所歸三五



更其運是以秦人施御豐沛膺赤帝之符夏  
道云衰景亳得白狼之瑞殷憂啓聖必將有  
主撲原靜海上玄有屬我皇帝受之皇帝叱  
出震之靈稟樞電之精開日月之明審正氣  
之貞潛德而隱凝玄姑射之側感而遂通應  
迹廟堂之上乘龍之夢夙符於神道斷鼇之  
心早發於靈鑒蘊風雲於藏用納宇宙於胸  
懷濡足授手救焚是急於是御太乙挹北勾陳  
驅天駟迴地軸乾行岳止雷驚麟震得兵鈐  
於玄教吞戎韜於黃石龍飛晉水鳳翥河干

命蒼光以泛流麾鳥旗以長邁以仁為本扶  
義而西傳檄百城轉關千里戰無交兵之虜  
攻無湯池之固望鳳墟而一息登灞上而迴  
首觀釁而動俟天休命壺漿溢陌厥篚盈塗  
鬼神叶贊華夷載佇縹秦嬰於枳道拜殷士  
於商郊旌臺之珠畢散於邦國諸侯之玉不  
留於服御春言兆庶金景來蕪薛舉徃因天  
隙偷安隴坻藉九州之險成五幡之暴推鋒  
東嚮結壘西夏同惡如市轉相煽合帶州連  
郡豺虺為群無竇融之先覺有隗躡之迷謬



遊魂放命豕突幽梁雖大風之作梗青邱有  
苗之稱亂丹浦均強比逆異代同年豈不以  
道喪鶉居讓王義隱時惟龍戰爭帝理開者  
乎是以軒轅五十一代殷后二十七征翦暴  
壽華之澤戮凶絕轡之野非文德之可綏乃  
雄略之攸震天子躬御武節親總元戎灑沉  
災而括地象正斗極而清天步倚長劍以肅  
威佇中區以傍矚運投水轉規之智蓄禮樂  
慈愛之兵韜百戰百勝之謀總天關天梁之  
術驅駕韓白鞭擊雷電命招搖以啓行詔叅

伐以前掃殉義之士聽鼓鼙而竊誓蹈息之  
衆望旌笳而張膽呼吸則河海沸盪指麾則  
崑崙擗拔聖上順天道好生之德體周王掩  
胔之仁將欲克亂在權善師非戰兵交使在  
弘其自革而茅旌不建輿襯莫從告捨旣違  
行迷遂往吠堯之犬終成桀用刺由之客俱  
爲跖徒鳥啄獸窮來犯鋒刃比角為城池之  
固召雨恣屈強之力非折筭之可筭豈亭長  
之攸制于時攝提在歲黃鍾紀月義勇同奮  
貴育爭先下神兵於九天決敵圖於萬里逆



順期懸轟然大潰僵尸蔽莽委甲成山擁秦  
 涇而不流投過澗而自滿焚巢掃窟野無遺  
 寢正傾旻於西北紐缺地於東南卷氣勢侵於  
 辰象反光華於日月九伐已施載橐於武庫  
 五兵罷用偃伯於靈臺分禱旆於應畢誓山  
 河於將率帝圖咸舉邦政斯澄革汚俗於維  
 正新王風於舊物鼓之以道德懷之以仁義義  
 春雨以潤之秋陽以暴之解罔深湯帝之慈  
 焚書下漢皇王之詔布以新政刑用輕典四海  
 之內靡然向風嚮八荒之表奔走無斃却塞蹄

獨碑誌志作帽

林之北開郡銅柱之南苑蔥山而池鹽澤踰  
 盤木而跨熱阪鄒生環海自入提封方朔炎  
 洲同歸王會豈止菌鶴短獨西鷄東鯨之貢  
 而已哉若夫至人忘已義期拯物黃屋非汾  
 水之榮玄珪豈具茨之貴聖道運而不積神  
 功為而莫宰雖復大橫固社長發啟祥猶且  
 置璽陳謙避河為讓道外天下情遺尊極而  
 巖廊餘事人神之望難拒符命儻來歷數之  
 期安避仰追上玄之心俯順域中之請然後  
 履乘石握神珠開黃玉之圖臨紫辰之位冠

金華縣志卷十三

四



百王而稱首與三代而同風巍巍乎蕩蕩乎  
粵不可名也於是衢室闢扉賓門啟路延攬  
英彥鑒昧寐幽仄用人不偏於世族得賢無棄  
於農瑣故非熊非彪致光景之佐為舟為楫  
獲營求之士等五臣之亮采同六相之訏謨  
崇臺非一木之枝珍裘乃千金之麗濟濟多  
士皇家以寧重以制禮作樂移風也勝殘去  
殺刑措也藏金彝嶺菲膳堯宮雉裘非先王  
之服寶馬豈鸞旗之用運玄覽以照物推赤  
心以期下萬方罪已軫推溝之慮百姓為心

順天從之欲若乃上嗣重光之美元良萬國  
棣華璿萼之宗本枝百世咸幼陶慈訓言提  
自昔奉審喻於宸極得樂善於軒殿非藉保  
傳之勤寧因師友之力踰啟誦而高視越邠  
韓而上征既而休氣和平祥風荐祉威鳳為  
寶麟趾遊郊若煙非煙浮曉空而下暎似月  
非月麗宵天而成象禎不絕書靈無遁迹猗  
與偉與事高圖史至於登輿下輦省方巡岳  
應感必彰形言弥著道盛金奏每盈玉簡叶  
獻思於泉涌諧神功於日用陋栢梁之詞掩



南風之曲。聖作物覩。永貽千載者焉。抑又聞  
 之。羲農遐邈。軒項悠緬。絕傳信於故老。非取  
 接於聞見。百世可知。斯言殆息。七代更立。求  
 之。豈易。今之視昔。遙然未覩。將何以分素青  
 於三后。辨天地於九皇。遂能歷選列辟。詳觀  
 群帝。得茂實於千古。驗英聲於萬葉。斯道何  
 哉。將由孔邱登岱。紀金繩者七十。管仲對齊  
 陳玉檢者十二。亦有漢廊帝圖。魏開王業。樹  
 豐碑於泗水。讓貞石於繁昌。莫不垂鴻名。騰  
 顯號。播休風於六儻。歌盛德於九韶。與天壤

而無窮。懸貞明而可久。刊勒之美。不其懋與。  
 然則事止寰中道。外未辨西方之聖。莫

知東被之法。求真之理。我則未聞。雖御辯崆  
 峒。非趨涅槃之所。乘雲谷口。寧遊波若之門。

莫不同陟耶山。俱沉業浪。生死無際。苦集相

碑作苦集

因詎照重昏之日。誰翦稠林之樹。比夫真如

實相。解脫妙津。道王三千。功彌百億。何異吹

劍首於雷門。策蚊睫於鵬運者哉。是知伊蘭

無實。有為終假。漂溺四流。遭迴九結。踐畏塗

而率歲。趨捷徑。其長往大夢。無曉可為嘆息。



粵若能仁深弘慈獎雖寂泊為道無來無去  
乘機誘發垣壘必追住一子地開方便門翔  
八正道示如來藏飄香風於有頂洒甘露於  
無邊慧炬明而幽夜朗法橋構而憑河息但  
為仁由已履道自衷表立影從因果非外今  
我所以仰勝緣於十號紀武功於七德真俗  
二諦兼而兩之皇上昔居因地早弘誓力應  
迹忍土負荷群生屬憂火燎原稽天方割颶  
林無自靜之木震海豈澄源之水東戡西翦  
南征北怨旄鉞所次酣戰茲邦君輕散千金

之賞士重酬九死之命莫不競凌鋒鏑爭赴  
水火雖制勝之道允歸上略而兵凶戰危時  
或殞喪褰裳不顧結纓荒野忠為令德沒有  
餘雄同艱難於昔晨異歡泰於茲日有懷亮  
烈用切旒宸仍於戰地爰構神居變穢土於  
寶城開蓮花於火宅高烽罷昭慈燈載明戴  
旌輟警勝幡斯立拔無明於棘林導焦熱於  
渴井盡諸有結永除苦際雖復去順效逆同  
歸各徒中涓賴從寔惟義重而上忍所被旃  
檀與利刃相忘大慈所覃怨賊將義夫齊指



俱潤法雨同乘大轅迴向菩提無上平等爾

乃仰圖景東井躔其分野下料物土西河

限其封域瑀戈是錫尸臣啓邦之所函館斯

開公劉建都之地梁山南枕甘泉東指面雕

雲之鬱蔚想玉樹之青葱沃野千里平原超

忽先王之桑梓西州之都會於是詔司空相

原隰四衢如砥八道傍通考極星之曜測土

圭之景選杞梓於南郢徵琬琰於西崑匠石

奮斤公輸審墨高門洞啟層甍有瓦藻井瞰

烟霞之路步欄拖虹蜺之色徘徊珠柱陸離

璇題春牖前臨秋窓左闥月殿含影金波上

而相照日宮吐曜羲和沉而猶朗何止四柱

成臺高多羅之樹五王立寺臨伽尸之水信

足上圖駕御傍擬醍醐望鷲山而非遠想雞

林而可即法徒萃止應供來遊咸珠戒無缺

威儀莫犯杖錫四禪之林攝糞三朗之路有

寶所焉有名僧焉至矣哉伽藍之為盛也雖

復高天已燼大海成田我皇基與淨刹終永

永而常傳其詞曰

三界雲擾六趣波揚苦流方割憂火炎崗俱



迷津濟莫導舟航長夜無曉非徒未央於昭  
十號四生是慈道王大千智周上忍慧刀已  
裂化城斯引教有殊塗乘無異軫甘露朝洒  
慈雲夕布品物以亨辟迷式悟捷徑坦道耶  
山啟路不有善權誰澄惡趣炎行施德廢道  
毀常玉弩驚燄金宿騰芒俯震瀛壑仰素乾  
網九野鯨奮八極鳴張亂離瘼矣執濟生靈  
黃星表曜赤伏開禎大君應歷粵御神兵乃  
聖乃武如雷如霆於鑠王旅除凶靜暴闕右  
長驅唐郊大號壤裂逋醜家離泥臭刷野屠

祇空山剽盜見色危殞轡懷忠死綏驚燐宵遠  
窮魂直飛我有慈被深仁莫違建斯淨域永  
樹歸依歸依伊何俱消五縛淨域伊何同升  
妙覺架漢開宇憑霞疎閣朱麗瓊丹地嚴金  
艘就鳥驚山非遠鷄林可求七寶低樹八解疏流  
瑞蓮開曉天花不秋戒定攸息應供耒遊凡  
厥慈眾俱弘上善稠林以闢爰枝爰翦九結  
冰泮四禪自緬彼岸可歸法輪恒轉金剛不  
壞瓊保福惟長慧室長湛皇基載昌僧祇可美  
恒沙易量悠哉天歷永配無疆



右昭仁寺碑唐守練議大夫騎都尉朱子奢撰歐陽公愛其字畫甚工惜無書人氏名金石錄嘗載其目亦不言為何人書也惟通志金石略以為虞永興書永興書之傳世者有孔子廟堂碑然與此不類而金石略乃謂出於虞公當必有所據昭仁寺在邠州西八十里昔唐太宗與薛舉戰爭之處正德癸酉予以使事道邠得搨其本完畫字好若初刻者其為寶也朱公予鄉先生唐史有傳其文字人間罕存可見者僅有此耳

金薤琳琅卷第十三



金薤琳瑯卷第十四

太僕寺少卿吳郡都穆

唐西平郡王李公碑

唐大達法師玄秘碑

唐柳公權小字清淨經

唐故太尉兼中書令西平郡王贈太

師李公神道碑銘并序

特進守司空兼門下侍郎同中書

門下平章事充集賢殿大學士上

柱國晉國公臣裴度奉勅撰



朝散大夫守尚書庫部郎中翰林  
侍書學士上柱國賜紫金魚袋臣  
柳公權奉勅書并篆額

惟天錫成命於我唐保茲國祚生此人傑則  
西平王李公其是乎不然何實暴如風振濟  
葉戴君若黿冠靈山橫流之中一匡而定公  
諱晟字良噐其先隴西人也後徙京兆曾祖  
高皇岷州刺史贈澤州刺史祖思恭皇兆州  
刺史贈幽州大都督考欽皇左左金吾衛大  
將軍隴右節度經略副使贈太子太保代有

名跡雄於西土公幼好學學不為人及讀呂  
張孫吳之書慨然有經邦濟物之志未弱冠  
遊秦梁間元侯宿將見者咸噐異之乾元初  
嘗客武都值酋豪以缺守遘亂殺掠平人公  
與所從十數馳而射之殪其為魁者餘黨遂  
遯寇所虜獲積如邱山公一無所取惟推牛  
醜酒享士而去邦人感服具以狀聞特拜左  
清道率飾以金紫將朝京師自獻方略屬裔  
夷中擾有土急賢河隴將帥相繼表用歷二  
府右職所至常以缺一謀為其委重累遷至



光祿太常卿階爵在第一品 涇原四鎮北  
庭節度都知兵馬使四面都遊奕使懸識虜  
態周知地形應變不窮有奪有待驥驟庭而  
莫展雲出岫而斯飛代宗徵之以左金吾衛  
將軍為神策軍兵馬使屬羌蠻犯蜀朝廷濟  
師命公督其旅絕棧道而往救焉公銜枚過  
險出賊不意連下堅壁遂誅首惡還授檢校  
太子賓客且復舊職建中二年田悅以魏判  
德宗極意致討悉起徂征以公為神策先鋒  
都知兵馬使加御史中丞與河東河南等道

諸軍合擊公濟河而行能以衆整及破洹水  
陣解臨洛圍轢魏屬城抵照通邑其推鋒  
銳皆先群師而寘力焉遥拜左散騎常侍兼  
御史大夫厥功未成聞賊泚肆逆皇居失守  
西向慟哭載馳載驅行及代北授檢校工部  
尚書充神策行營節度公提孤軍募散率拊  
脩訓勵以達行在值懷光中叛大駕再遷加  
檢校右僕射餘如故尋轉左僕射同平章事  
兼京兆尹神策軍京畿鄜坊節度觀察等使  
管內及商華等州副元帥公固守渭城決平



察壘調食制用先發我師指甘攻苦皆自我始每一言一誓聲淚俱發勇夫義士感而使之殺不濟矣時自雍而東延于汝洛震于河汴所在征鎮亂略相從公介巨之間使聲援斷絕立成師字缺一法號令肅嚴蒐補十旬指揮一舉乘墉壑如通道誓梟鏡以清字缺一宮而九市三條無輟肆之驚無秋毫之犯羽書速告鑿輅爰歸廓氛祲為祥歲攄憂情為喜氣詩曰允矣君子展也大成斯之謂歟考古視今論功稱忠者多矣若至危而安

至難而易卓犖跨邁如公莫儔拜司徒兼中書令俄以凶孽甫寧邊帥猶警岐下任重乃以本官兼鳳翔尹鳳翔隴右節度觀察等使及四鎮北庭涇原等州副元帥改封西平郡王加食實封至一千五百戶公名攝戎主政和藩師始至而生執少安而訓齊逮四載賦輿十倍其初會課入輔拜太尉中樞如故人或謂功勲望已高寵渥已極宜從容願養稍遜避公曰不然人臣外則盡力內則盡心若止偷榮孰為且哲故每承帷幄之問則言



金苑五卷十四  
四  
咈無隱理奪不回大指以東夏可平西陲可  
復或已行而事終不顯或未用而身遽不遺  
以貞元九年八月四日薨于位春秋六十七  
德宗撫几哭於別次自都邑達門畿無士庶  
無老幼皆發哀相弔則曩時戢兵安人之德  
可謂深于元元之骨髓矣冊贈太師法賻加  
等以其年十二月十六日葬于高陵縣奉正  
原鄭國大夫杜氏祔焉自捐寢至安宅皆所  
司辨護中貴反覆萬情所奉如不及焉嗚呼  
以公之靜難扶傾不言所利雖存沒極位始

終殊禮而天意若曰其福享未至故迤延于  
後有子曰愿故檢校司空河中節度等使贈  
司徒五列雄鎮三為上公曰聰故光祿寺主  
簿曰總故太子中允贈兵部郎中曰慈左神  
武軍大將軍兼御史大夫曰憑故右威衛大  
將軍兼御史中丞贈洪州都督曰恕故光祿  
卿贈右散騎常侍曰憲檢校左散騎常侍嶺  
南節度觀察等使兼御史大夫進因貴胄達  
以善政曰愬故檢校左僕射同平章事贈太  
尉克廣前修仍執醜虜曰懿故渭南縣尉曰



聽檢校司徒義成軍節度觀察等使統戎按  
俗是以似之曰甚右羽林軍將軍曰殷嵐州  
刺史並地勢吏用兼而有焉粵大和元年秋  
七月聽拜疏上言以公之徽烈則御製披文  
於渭川矣公之風度則詔命圖形於雲臺矣  
惟大其邱隴鬱鬱彼松檟望有祁山之象拜無  
峴首之碑將刻貞石式表幽隧乃命臣度稱  
代言時其詞曰

建中季年大盜忽焉皇輿避狄狩于梁州顧  
謂太師汝才汝略將威致討必殄寇虐太師

泣奉捐軀誓衆度其成城可以利用赫矣鋪  
敦傳于墻垣手搏足跡如衝如援一鼓而破  
一麾而奔掃清宮闈刷盪妖昏我師莅止我  
令行矣都人不知已事方喜飛章告慶飾駕  
言旋鴻烈曜古謹聲動天車服之錫河山之  
誓九命而俯一心若厲俾侯于岐阜安邊陲  
藩政既成袞職攸宜嶽降帝賚矢言詭辭我  
后嘉猷我躬何為道直氣和勞歎終吉福履  
所綏未享萬一上天不惠厚宥造歸垂裕流  
先用延恩障翼子肥家將壇台席繼立奇功



代傳休績聽與伯仲永懷高蹤請于朝廷表  
是邱封帝曰孝哉胡可不從宣我祖之丕業  
繫爾父之嘉庸乃詔作銘以觀德齡

太和三年歲次己酉四月庚戌朔六日

乙卯建

右唐西平郡王李晟碑裴晉公撰柳公  
權正書晟在唐功蓋天下可謂偉矣唐  
書列傳叙其官時與碑不合碑謂晟由  
左清道率歷三府右職累遷至光祿太  
常卿傳則云授持進試太常卿碑謂晟

為涇原四鎮北庭節度都知兵馬使代  
宗徵之以左金吾衛將軍為神策軍兵  
馬使傳則云以右金吾衛大將軍為涇  
原四鎮北庭兵馬使碑謂晟平蜀還授  
檢校太子賓客而傳不書碑謂建中二  
年以晟為神策先鋒都知兵馬使加御  
史中丞尋拜左散騎常侍兼御史大夫  
傳則云晟為神策先鋒加檢校左散騎  
常侍兼魏府左司馬尋授御史大夫碑  
謂皇居失守授晟檢校工部尚書充神



策行營節度使傳則云詔拜神策行營  
 節度使碑謂大駕再遷加檢校右僕射  
 尋轉左僕射同平章事兼京兆尹神策  
 軍京畿鄜坊節度觀察等使管内及商  
 華等州副元帥復詔晟兼河中晉絳慈  
 隰節度使又兼京畿渭北鄜坊丹延節  
 度招討使又進京畿渭北鄜坊商華兵  
 馬副元帥傳則云進晟尚書左僕射同  
 中書門下平章事復詔晟兼河中晉絳  
 慈隰節度使又兼京畿渭北鄜坊丹延  
 節度招討使又進京畿渭北鄜坊商華  
 兵馬副元帥碑謂鑾輅爰歸拜司徒兼  
 中書令俄以本官兼鳳翔尹鳳翔隴右  
 節度觀察等使及四鎮北庭涇原等州  
 副元帥改封西平郡王傳則云拜晟司  
 徒兼中書令尋拜鳳翔隴右涇原節度  
 使兼行營副元帥徙王西平郡晟之碑  
 作於當時而史成於後代要當以碑為  
 是

唐故左街僧錄內供奉三教談論引



駕大德安國寺上座賜紫大達法師  
玄秘塔碑銘并序

山南西道都團練觀察處置等使  
朝散大夫兼御史中丞上柱國賜  
紫金魚袋裴休撰

朝議大夫守右散騎常侍充集賢  
殿學士兼判院事上柱國賜紫金  
魚袋柳公權書并篆額

玄秘塔者大法師端甫字缺一骨之所歸也於  
戲為丈夫者在家則張仁義禮樂輔天子以

扶世導俗出家則運慈悲定慧佐如來以闡  
教利生捨此無以為丈夫也背此無以為達  
道也和尚其出家之雄乎天水趙氏世為秦  
人初母張夫人夢梵僧謂曰當生貴子即出  
囊中舍利使吞之缺一誕所夢僧白晝入其  
室摩其頂曰必當大弘法教言訖而滅既成  
人高穎深目大頤方口長六尺五寸其音如  
鍾夫將欲荷如來之菩提缺一一生靈之耳目  
固必有殊祥奇表歟始十歲依崇福寺道悟  
禪師為沙弥十七正度為比丘隸安國寺具



威儀於西明寺照律師稟持犯於崇福寺昇  
 律師傳惟識大義於安國寺素法師通涅槃  
 大旨於福林寺奩法師復夢梵僧以舍利滿  
 琉璃器使吞之且曰三藏大教盡貯汝腹矣  
 字缺二經律論無敵於天下囊括川注逢源會  
 委滔滔然莫能濟其畔岸矣夫將欲代株机  
 於情田雨甘露於法種者固必有勇智宏辯  
 歟無何字缺一文殊於清涼衆聖皆現演大經  
 於太原傾都畢會德宗皇帝聞其名徵之一  
 見大悅常出入禁中與儒道議論賜紫方袍

歲時錫賜施異於他等復詔侍皇太子於東朝  
 順宗皇帝深仰其風親之若昆弟相與卧起  
 恩禮特隆憲宗皇帝數幸其寺待之若賓友  
 常承顧問注納偏厚而和尚符彩超趨詞理  
 響捷迎合上旨皆契真乘雖造次應對未嘗  
 不以闡揚為務繇是天子益知佛為大聖人  
 其教有大不思議事當是時朝廷方削平區  
 夏縛吳幹蜀瀕蔡蕩郟而天子端拱無事詔  
 和字缺二緇屬迎真骨於靈山開法場於秘殿  
 為人請福親奉香燈既而刑不殘兵不黷赤子



無愁聲蒼海無驚海浪蓋參用真宗以毗字缺二

政用之明效也夫將欲顯大不思議之道輔

夫有為之君固必有冥符玄契歟掌內殿法

儀錄左街僧事以標表淨衆者凡一十年講

涅槃字缺一識經論處當仁傳授宗主以開誘

道俗者凡一百六十座運三密於瑜伽契無

生於悲地日持諸部十餘萬遍指淨土為息

肩之地嚴金字缺二報法之恩前後供施數十

百萬悉以宗飾殿宇窮極雕繪而方丈匡床

靜慮自得貴臣盛族皆所依慕豪俠工賈莫

不瞻嚮薦金寶以致誠字缺一端嚴而禮足日

有千數不可殫書而和尚即衆生以觀佛離

四相以修善心下如地坦無邱陵王公輿臺

皆以誠接議者以為成就常字缺一輕行者為

和尚而已夫將欲駕橫海之大航拯迷途於

彼岸者固必有奇功妙道歟以開成元年六

月一日西向右脅而滅當暑而尊容若生竟

夕而異香猶鬱其年七月六日還於長樂之

南原遺命荼毗得舍利三百餘粒方熾而神

光月皎既盡而靈骨珠圓賜謚曰大達塔曰



玄秘俗壽六十七僧臘四十八門弟子比邱  
比邱尼約千餘輩或講論玄言或紀綱大寺  
修禪秉律分作人師五十其徒皆為達者於  
戲和尚其出家之雄乎不然何至德殊祥如  
此其盛也承襲弟子義均自改正言等克荷  
先業履守遺風大懼徽猷有時煙沒而今閣  
門使劉公法行最深道契弥固亦以為請願  
播清塵休嘗遊其藩備其事隨喜讚歎蓋無  
愧辭銘曰  
賢劫千佛第四能仁哀我生靈出經破塵教

網高張孰辯孰分有大法師如從親聞經律  
論藏戒定慧學深淺同源先後相覺異宗偏  
義孰正孰駁有大法師為作霜電趣真則滯  
涉俗則流象狂猿輕鉤檻莫收梃致刀斷尚  
生瘡疣有大法師絕念而遊巨唐啟運大雄  
垂教千載冥符三乘迭耀寵重恩顧顯闡讚  
導有大法師逢時感召空門正闢法宇方開  
崢嶸棟梁一旦而摧水月鏡像無心去來徒  
令後學瞻仰徘徊

會昌元年十二月廿八日建



右唐大達法師玄秘碑裴度撰柳公權正書歐陽公嘗謂物之所遭有幸不幸詩書遭秦不免煨燼而浮屠老氏以託於字畫之善遂見珍蓄若此碑是已嗚呼緇流之藉文字以傳後世如予之所錄蓋不止於一玄秘也

唐柳公權小字清淨經

右唐柳公權小字清淨經予得舊榻本於四明豐解元坊豐得之鄉人徐蘭蘭好作隸字不師漢人而師宋廬陵朱協

極蘇學嘗有協極所書敬齋箴石刻字畫無法俗惡可厭後之人乃有好之如徐氏者亦其所遭然也因識此漫及之

金薤琳琅卷第十四



金薤琳琅卷第十四

金薤琳琅卷第十五

太僕少卿吳郡都

穆

唐天台山桐栢觀頌

唐唐興寺碑

唐實際寺隆闡大法師碑

唐天台山桐栢觀頌

守太中大夫尚書祠部郎中上柱

國清河崔尚造

字缺四書翰林院學士慶王府屬韓

擇木書



天台也桐栢也代謂之天台真謂之桐栢此此

西者同體而異名同契乎玄道無不在夫如

缺四則無是是缺一字一柏邪非桐栢邪因斯而

談無非缺一字矣而稽古者言之桐栢山高萬

八千丈周旋八百里其山八重四面如一中

有洞天缺一字即右弼王王子晉之所處也是

之謂不死之缺一字一鄉養真之靈境故立觀有

初強桐栢馬耳古觀荒廢則已久矣故老

相傳云昔葛僊公始居此地而後有道之士

往往因之壇址五六厥迹猶在泊乎我唐有

司馬練師居焉景雲中天子布命于下新作

桐栢觀蓋以光昭我玄元之丕烈保綏我國

家之永祚者也夫其高居八重之一俯臨千

仞之餘背陰嚮陽審曲面勢東西數百缺一字

南北亦如之連山峩峩四野皆碧茂樹鬱鬱

四時恒青大巖之前橫嶺之上雙峯如闕中

天豁開長澗南寫諸泉合漱一道瀑布百尺

懸流望之雪飛聽之風起石梁翠屏可倚也

琪樹珠條可攀也僊花靈草春秋互發幽鳥

清猿晨暮合響信足賞也始豐南走雲嶂間



起剡川北通煙岑相接東則亞入滄海不遠

蓬萊西則浩然長山無缺二境字總括奧秘鬱

為秀絕苞元氣以混成鎮厚地而安靜非夫

神與仙宅僊得神營其孰能致斯哉故初構

天尊之堂晝日有雲五色浮靄其缺一三井

字缺一龍之所時有異雲氣入堂後出者三書

之者記祥也然後為虛堂以鑿戶起層臺而

系土經之殖殖成之翼翼綴日月以為光籠

雲霞以為色花散金地香通玄極真侶好道

是遊斯息微此練師孰能興之練師微號曰

名承禎一名子

天台白 河內温人晉宣帝弟太常馗之後

祖晟仕隋為親侍大都督父仁取唐興為朝

散大夫襄州長史名賢之家奕代清德慶靈

之地生此仙才以為服冕乘軒者寵患吾身

也擊鐘陳鼎者味爽人口也遂乃捐公侯之

業學神仙之事科缺一教戒博綜無所遺窈

冥夷希微妙詎可識無思無為不飲不食仰

之彌峻巍乎其若山挹之彌深湛乎其若海

缺一通才練識瞻學多聞翰缺一之工文章

之美皆忘其所能也練師蘊廣成之德睿宗



繼黃軒之明齋心虛求將倚國政侃侃然不可得而動也我皇孝思維則以道理國叶帝堯之用心寵許由之高志故得放曠而處逍遙而遊聞練師之名者足以激厲風俗睹練師之容者足以脫落氛埃以慈為寶以善救物神以知來智以藏往允所謂名豈仙格迹在人寰粵不可測字缺二道生乎無名行乎有精分而作三才播而作萬物故為天下世脩之者昌背之者亡故為天下貴况絕學無憂長生久視也哉道之行也必有階也行道之

階非山莫可故有為焉有象焉瞻於斯仰於斯若舍是居教將奚依損之又損之以至於無為玄門既崇不名厥功朝請大夫使持節台州諸軍事守台州刺史上柱國賈公名長源有道化人有德養物嘗謂別駕蔡欽宗等曰且道以含德德以致美美而不頌後代何觀乃相與立石記頌以奮至道之光其詞曰邈彼天台差我崔嵬下臨滄海遥望蓬萊漫若天合呀如地開煙雲路通真仙時來顧我練師于彼瓊臺練師練師道入玄微噲日安



坐凌霄欲飛興廢靈觀練師攸贊道無不三  
字輪奐窈窕茫茫通天降祥保我皇唐如山  
是常

天寶元年太歲壬午三月二日丁未弟  
子毗陵道士萬惠超等立

右唐天台山桐栢觀碑尚書祠部郎中  
崔尚撰翰林學士韓擇木八分書明皇  
正書題額碑稱司馬練師居此而曰練  
師名承禎一名子微唐書隱逸傳謂司  
馬承禎字子微則子微非練師之名碑

誤書耳予昔遊王屋山至陽臺宮宮乃  
子微脩仙之所中有碑上刻睿宗與子  
微書及送還天台詩一首傳但云睿宗  
嘗召子微問其術賜寶琴霞帔還之不  
云有書無詩此則傳之疎脫也

唐朝議大夫行聞喜縣令上柱國臨  
淄縣開國男于君請移置唐興寺碑  
序并

殿中侍御史判職方員外郎高陽  
許敬先撰



觀道寺主僧師缺書

先萬物者始道德為宗窮言象者以乾坤為  
 大豈若道洽沙界盤古無以化其跡功色鐵  
 圍缺一首不能紀其要前後際斷眾妙入於  
 真乘色相皆空定慧生於正覺言之不極其  
 波若之蘊乎聞喜唐興寺者我國家草昧之  
 所置時也繫弓矢締構龍宮懸鏡於方丈  
 運寶圖於羅衛將祛八難式護四禪乃於西山  
 建斯精舍布金幽徑樹福衡經始險蹊人  
 跡罕到雖三空屢說給園之眾不俱缺一解長

流方廣之途尚阻眩俗常迷於

聚落不

聞缺使十地空有四生無拯爰初搆趾數十

百年舊令因循不改其制長者居士既渴日

於寶坊清信比丘徒挈餅於締議時縣令朝

議大夫東海于公名光庭即銀青光祿大夫

瀛州刺史東海郡公士俊之孫金紫光祿大

夫中書侍郎同中書門下三品東海憲公之

第五子也承五鼎之葉冒稟三辰之粹精陰

德未沫亢宗有後在躬而禮義克舉餘力而

文章見稱好學多能以為入官之具清慎寡



欲彌見在公之心由也四科參為一貫里心  
合於投刃事無遺於下鞫故能變蟋蟀之風  
展蒲盧之化始鄉退而脩里我有昌言終里  
退而脩家人無遺善此其操乃有裕彈琴自  
閑亦既庶於王程將又崇於佛事為蒲之所  
不及理鄴之所未行加以識洞真局智融覺  
鍵伏忍於三昧懸解於六通身若明珠淋無  
瑕也心猶平地能生衆善且循調御時見宰  
官精三異之妙術敷六度之津要由是歷請  
天府將徙梵宮雙樹移堅固之林八座改耆

閣之岫金山赫赫與紫殿而飛來紺宇眈眈  
化青樓而涌出城池故絳井邑新田士女益  
於康莊象馬闡於里閭一一香蓋懸寶纒之  
幢種種天花散金燈之地得未曾有聞所未  
聞方將洗貪欲之腸腎開盲聾之耳目納須  
彌于小芥詎是難思置海水於虛空未為希  
有僉以法雲西蓄佛日有鄩家之昧今智炬  
東推迷途昭牽復之象豈非如來滅後將有  
住持時夏縣威神寺法師俗姓張法名忽缺一  
其先衣冠出南陽精持律儀薰脩戒行德超



於四果理貫於三伊大道未行同孔邱之歷

聘衆生有病等鑿王之授手遂乘杯凍缺振

錫兆亭扶龍聳俗于愛河誘焚如于火宅示方便

品導波若流亡羊於九部之津去馬於三乘

之際莫不爭持寶蓋缺三字耨池之棟

宇為苦海之舟航起予者商繫我明宰時縣

丞清河張佑仁主簿弘農楊浩尉太原王臨

尉太原王銑等並瑚璉名器鸞皇勁翮才無

滯用政有異聲鄉三老進而言曰今敦禮勸

農嘉惠也樹法極人深慈也我宰君善化前

古罕俦豈使浚儀豐碑空銘景行龍宮後偈

獨闕微言載勒堅金永傳沙界銘曰

佛言能淨一刹土是謂世間良福田今我莊

嚴招提宇度脫功德海無邊猶如法雲覆群

品亦如佛日在中天皆是宰官惠明德羣毗

安樂離苦緣樹碑紀功永不朽銖衣拂石億

萬年

開元六年歲次戊午九月壬辰朔二日

癸巳建

右唐唐興寺碑殿中侍御史許景先撰



寺在山西聞喜縣縣令于光庭為移置之景先之文由是而作光庭之在聞喜不聞其有善政而乃汲汲為僧移寺非賢令也

唐實際寺故寺主懷惲奉勅贈陰闡  
大法師碑銘 并序 懷惲及書

碑下有懷惲及書四字○開口稱曰昔吾師云云則此文為其弟子所作無疑也

昔吾師因地求真眾魔紛繞果到成佛龍天捧園自作鎮靈山法躬靡易告滅雙樹示跡倫凡微言不傳慧燭潛照屆夫歲邁千秋時淹五濁欲海騰沸邪山紛紜於是釋防東逝

爰稱兆應漢夢西通方崇佛法或青眸接軫競扇玄風或白足相趨爭佛日至欲繼前賢之令軌為後進之康衢照燭重昏慈舟苦派人能弘道斯之謂歟法師諱懷惲俗姓張南陽人也遠祖因宦播遷京兆廿一代祖安晉丞相襲爵鴻臚公高祖融守黃門即遷太子庶子祖英唐解褐太常太祝襲爵天平公尋轉吳王祭酒握蘭奏位清陪雅列法師聰敏為其性相慈善資其風骨母常山夫人樂姓降胎之月不味羶腥載誕之辰情欣禁戒暨

碑守作字  
初誤也



年登卅歲特異諸童或焚葉為香或聚沙為塔雖飛軒繡轂未常留步月宇香樓怡然忘返高宗天皇大帝乘軋撫運出震披圖虛已求賢明啟待士總章元載夢觀法師倏降綸言遠令虔辟於是臨丹檻邇青蒲廣獻真誠特蒙褒讚帝乃親授朱紱令處鳳池之榮師乃固請緇衣願託鸚林之地奉勅于西明剎落善來忽唱惡業疑銷既挂三衣俄陪四衆翹勤遽積思五分而非遙精苦逾深想三祇而未遠時有親證三昧大德善導闍黎慈

樹森疎悲花照灼情怯

缺一字

漏擁藤井于蓮

臺巖化無涯駢鐵圍於寶國既聞盛烈雅締師資祈解脫規發菩提願一承妙旨十有餘齡秘偈真乘親蒙付囑自惟薄祐師資早喪

想遺烈而崩心顧餘恩而雨

爰

思宅兆式建

墳塋遂於鳳城南神和原崇靈塔也其地前終峯之南鎮後帝城之北里哥鐘沸出移上界於陰門泉流激灑北連河於陽面仍于塔側廣構伽藍莫不堂殿崢嶸遠模忉利樓臺爰繫直寫祇園神木靈草凌歲寒而獨秀葉



暗花明逾嚴霜而靡萃豈直風高氣爽聲聞  
進道之場故亦臨水面山菩薩全真之地又  
於寺院造大窣堵波塔周迴二百步直上二十  
三級或瞻星揆務或候日裁規得天帝之蹤  
有龍王之秘跡重重佛事窮鷲嶺之分身種  
種莊嚴盡崑邱之異寶但以至誠多感能事  
冥資故能遠降宸衷令費舍利計千餘粒加  
以七珍函筭隨此勝緣百寶幡花令興供養  
則天大聖皇后承九玄之眷命躡三聖之休  
期猶尚志想金園情欣勝躡或頻臨淨刹傾

海國之名珍或屢訪炎涼捨河宮之秘寶法  
師誠盈而散並入檀航船法師業行高缺一利  
益繁多故得名振九重芳盈四部奉永昌元  
年勅徵法師為寺主於是綱紀僧徒規模釋  
族緇門濟濟戒德峻而彌堅紺宇誥誥常住  
豐而更寔實猶是才稱物寶道為時尊知與不  
知仰醍醐于句偈識與不識詢法乳于波瀾  
法師以慈誘內懷敷揚外積冀傳聖音用酬  
來望每講觀經賢護彌陀等經各數十遍夫  
我域者扇激風火嬰抱結漏系諸生止無常



之短期研乎事真攀不亟之虛朕若不乘佛  
願力託質淨方則恐淪溺長往清昇永隔於  
是言論之際懇勸時衆四儀之中一心專念  
阿彌陀佛願乘此勝因相生淨域又以般若  
神咒能令速證菩提彌陀佛名亦望橫超惡  
趣諸餘妙典雖並積心臺於此勝緣頗偏遊  
智府嘗誦大般若呪向盈世方又誦彌陀真  
偈十萬餘遍理復使精真厥想念雖微而必  
就二三子行功唐捐而靡得豈真諸佛現前  
神人捧錫而已矣師為諸重擔攝爾群生舉

洪灼于耶山掉寶航于見海悲夫沙婆國中  
人多弊惡雖復珍臺寶界因勝侶而歸心至  
欲逸翫遐征籍良緣而克進敢憑此義爰發  
誠心於是廣勸有緣奉為九重萬乘四生六  
趣造淨土堂一所莫不虬棟凌虛虹梁架迥  
丹楹絕日青瑛延風無春而反井舒花不暝  
而重簷積霧於是神螭戾趾遠鎮瓊階寶鳳  
來儀還陪桂戶彫甍畫拱之異窮造化之規  
模圍璫方鏡之奇極人天之巧妙又於堂內  
造阿彌陀佛又觀音勢至又造熾成像并餘



功德並相好奇特顏容湛粹山豪演妙若照  
三千海目摘華如觀百億或因繒命采有慈  
氏之全身或散札馳芳得憂填之逸思何獨  
如來自在疑降上界之魔故亦菩薩熙怡似  
救下方之苦夫以宅生者心心勞則生喪栖  
神者志志擾則神亡然菩薩以濟物捐軀上  
善以遺形狗節法師情存拯救式奉殷繁汲  
引雖曰忘懷形質為能靡累於是忽嬰風瘵  
病與時侵靈藥弗痊胚器俄逝豈夫八林齊  
白我佛稱於寂滅梁木其壞吾師等子死生

以大足元年十月廿二日神遷春秋六十有  
二臨終之際正念無虧顏色怡悅似有瞻矚  
北首面西奄然而化悲夫烈烈歲陰蒼蒼天  
色軋兮何負殲我惟良業也何孤喪茲賢哲  
豈直悲盈四部嗟鹿苑之荒涼抑亦哀悼兩  
宮痛蜂臺之閔寂猶是俯迴天睠載紆仙豪  
遠降息波爰加制贈奉神龍元年勅實際寺  
主懷惓示居三界遠離六塵等心境於虛空  
混榮枯于物我棟梁紺宇領袖緇徒包杖錫  
之規模躡乘杯之懿躅雖已歸寂滅無待於



褒揚然寵洽友于無志於縟禮可贈隆闡大  
法師主者施行上人以至德聿修良因累著  
故得天降成烈用讚芳規追遠慎終生榮死  
贈足可光輝淨刹歷塵芥而長存旌賁玄門  
共河山而永久弟子大温國寺主思庄等並  
攀號積慮哀慕居懷嗟覆護而無時仰音顏  
而靡日猶恐居諸易遠淑善湮沉敬想清微  
勒茲玄琰詞曰

娑婆種覺賢劫能人三祇殄妄五分祈真即  
相離相非身是身猶施慧棧廣濟迷津其一

方化備雙林滅度三界空虛四生哀慕正教  
既隱微言遽歎式啓先哲用資後悟其二芳猷  
廣被至烈彌殷青眸演聖白足呈真遠導葛  
芥遐宣墨塵玄門不絕代有其人其三猗歟令

德遠嗣前英聲高四部譽重三明慈周有識  
智契無生法雲葉落道樹滋榮其四豈圖宿殃  
師資遽亡軋兮何負殲我惟良徒嗟授几空  
念傳香非夫勝緣孰荅恩光其五邈矣垆野慈  
顏墻側敬發誠心爰憑淨域真容湛粹樓臺  
歸窳希此善根遠酬明德其六



予家有先人舊藏寶際寺碑乃明崇正中裝者上有黃之芬印不知其何人也乾隆丁亥元旦以校都太僕所錄改正數字而太僕可辨矣是亭午記是碑有懷輝及書四字都豈未之見耶王元美說因誤而趙子函謂是後人妄增恐亦未必然也文藻又書是日晴暖無風

天寶二年歲次癸未十二月丙寅朔十一日丙子建

右唐寶際寺主懷輝碑無書撰人姓名觀碑中有弟子思莊敬想清微勒茲玄琰之語則碑乃輝之徒所撰碑稱輝能誦般若神呪際遇高宗武后兩朝可謂緇流之出色者而其老也乃患惡疾以死朝廷復贈之曰隆闡法師然則其法果安在哉

金薤琳琅卷第十五

金薤琳琅卷第十六

太僕寺少卿吳郡都穆

唐故太尉文貞宋公碑

唐故太尉文貞宋公碑側記

唐開府儀同三司行尚書右丞相上

柱國贈太尉廣平文貞公宋公神道

碑銘并序

金紫光祿大夫行撫州刺史上柱

國魯郡開國公顏真卿撰并書

於戲逆鱗廟上匡救之義深守死不回臣人



之致極况乎文缺風雅道濟生靈建一陽而  
天下倚平含九德而三光式序超無友而獨  
立者其唯廣平公乎公諱璟字缺邢州南和  
人其先出于殷王元子七代祖并魏吏部尚  
書龍衣列人子祖欽道北齊黃門侍郎並事跡  
崇高各見本傳高祖元節定州田曹曾祖弘  
峻大理丞祖務本皇櫟陽令父玄撫衛州司  
戶贈戶部尚書自田曹至于尚書皆實浮于  
名而位不充量事見許公蘓頌所撰神道碑  
公七歲能屬文一遍誦服鳥賦丁尚書府君

憂水漿絕口者五日八九歲時嘗夢大鳥啣  
書吐公口中而咽之遂乘而直上倏忽驚寤  
猶若下在胸間自後藻思日新襟靈益爽年  
十六缺二讀易曠時不精公遲而覽之自亥  
字

及寅精義必究明年進士高第補上黨尉轉  
王屋主簿相國蘓味道為侍御史出使精擇  
判官奏公為介公作長松篇以自興梅花賦  
以激時蘇深賞歎之曰真王佐才也轉合宮  
尉長壽三年從調判入高等有司特聞天后  
親聞所欲公以代為唐臣不求榮達詭奏云家



本山東願得魏之一吏遂手詔授錄事參軍  
拜舞趨出異而召還又手詔拜監察御史裏  
行尋丁齊國太夫人憂服闋築室反耕志圖  
不起俄而即真遷殿中侍御史同列有博于  
臺中者將責名品而黜之博者惶恐自匿翌  
日公獨正辭引過天后悅而釋之遷天官員  
外郎鳳閣舍人御史中丞乃謂所親曰吾比  
欲優游鄉里不圖要近驟至於斯其敢非所  
職乎乃恣心納忠無所回避時張易之昌宗  
兄弟席寵脇權天下側目公危冠入奏奮不

顧身天后失色蒼黃欲起公叩頭流血誓以  
死爭拾遺李邕奏曰陛下坐則天下安起則  
天下危內史令出公曰天顏咫尺親奉德音  
王命詞氣慷慨天后震悚遂俱攝詣臺廷立  
切責二豎股栗氣索不敢仰視自朝至于日  
晨勅使馳赦之公不得已而罷又令詣公謝  
罪公拒之後有慘恤二豎來弔公辭曰責近  
不宜與執政通問假滿朝士慰公二豎又欲  
序進公舉板迎揖之不得成禮而去神龍之  
興復也公實佐奇謀及當時庸讓而不受曰  
清宮問罪事缺五皇祀夏中興功歸明主非  
曰逃賞誰敢貪天俄拜朝散大夫吏部侍郎



兼諫議大夫遷黃門侍郎嘗遇梁王武三思於朝三思方欲言事公正色謂之曰當今復予明辟王宜以候就第何得上干朝政三思慙懼而退請急累月俄而兼攝尚書左丞中宗將幸西京深慮北鄙乃兼檢校并州大都督府長史又改建貝州刺史與數人同辭三思獨揖公住公顧謂之曰諸人已出不可獨留揖之而去屬年穀不登國租罷入三思食邑公悲蠲之既屢挫其鋒亦處之自若俄而真拜轉杭州又遷相州又為洛州長史唐

隆初拜吏部尚書同中書門下三品粵五日兼右庶子尋加銀青光祿大夫玄宗之在儲闈鎮國太平長公主潛謀廢立嘗於光範門內坐步檐中諷宰相以此旨諸相失色莫敢先言公盛色詰之曰春宮有大功主安得異議遂奏婦人干政恐生禍階請不令朝謁俄而男又縱橫公奏之繇是貶楚州刺史主亦竟以凶終無何復拜銀青厯魏兗冀三州兼河北按察使尋遷幽州都督兼御史大夫復為魏州入為國子祭酒東都留守開元二年



拜御史大夫兼京兆尹貶睦州刺史轉廣州  
都督充按察經略討擊使又兼御史大夫特  
許便宜從事前是首領桀驁多據洞不賓公  
之下車無敢不畏彼之風俗缺一趨苟簡節  
茨竹櫓比屋鱗次火災歲起煨燼無餘公教  
之度材變以陶旒千甍齊翼萬堵皆興于今  
賴焉燕國公張說嘗為碑頌無何使中官楊  
思勗召公公拜恩而就馬便行在路竟不交  
一言思勗以缺軍貴達泣辭訴帝帝嗟嘆久  
之拜刑部尚書四年遷吏部兼黃門監監脩

國史五年復兼侍中明年駕達東都至三峯  
馳道隘稽車騎不得前河南尹李朝隱知頓  
使中丞王怡並坐當降黜公奏曰若致罪二  
臣將來必受其弊遂命公捨之曰陛下責之  
以臣言免之是過歸於上恩由於下臣請使  
且待罪然後俾其復職遂嘉而從之宗字嘗  
命公名諸皇子及公主邑號既而又令各定  
一美名公奏稱七子均養鴉鳩之德錫以名  
號不宜有殊若母寵子異恐非正家之道王  
化所宜玄宗悅而從之八年拜開封府儀同



三司進爵廣平郡開國公策勳上柱國狂豎權  
梁山構逆長安有司深探其獄公按覆如京  
兆司錄李如璧等有百餘家皆以借宅假器  
悉當連坐公以婚姻假借天下大同至于京城  
其例尤衆知情即是同反無罪不合論辜兇  
渠之外一切原免天下欣服焉中書令河東  
公張公傑出將明之材獨運廟堂之上鏡機  
朝澈見事風生求公規模悉閱堂案每至危  
言謹議執正守中未嘗不廢卷失聲汗流洽  
背其為通賢所服也如此十三年駕幸東都

以公為西京留守公極言得失無有所隱玄  
宗感悅制曰所奏之言置諸座右出入觀省  
以誠終身困賜綵物二百疋明年又兼吏部  
十七年拜尚書右丞相雅善戲謔不常矜莊  
與故字缺二尚書王峻為莫逆之友晚而彌篤  
凡所詼諧人輒踈取端五日蒙賜鍾乳命醫  
歸鍊或以為上藥殊異不宜委之公曰推誠  
求信猶懼弗應猜以待人信其可得聞者慙  
退廿一年抗疏告老至于再三手詔優遂特  
給全錄賜絹五百匹還東京公以為大臣歸



休不宜閑通人事遂杜絕賓客其年駕幸洛陽公迎拜道左玄宗親駐龍蹕使榮王婉勞問者數四自後中使往來賞賚不絕方崇乞言之典以極師臣之敬廿五年仲冬月十有九日寢疾薨于東都明教里第享年七十五天下失聲玄宗震悼追贈太尉謚曰文貞公賻物米粟常數有加喪葬官供仍詔河南少尹崔釋之充監護使夫人齊國夫人博陵崔氏滄州長史藝之女淑慎嚴整高明柔克訓諸子而慈且有威佐丞相而德無違者門內

之理一以見咨躡公而歿允終偕老嗚呼公有七子復同州司功先公而卒昇尚書郎太僕少卿尚漢東太守渾職方郎中諫議大夫御史中丞東京畿採訪使太子左諭德恕都官郎中延太原少尹華判入高等登封尉尉氏令衡右散騎常侍兼御史中丞河西節度行軍司馬或肅或文或哲或乂克篤前烈以休令聞以戊寅五月廿九日虔奉遺約歸葬公于沙河縣太尉鄉丞相原之先塋夫人合而祔為禮也惟公間氣降神應期傑出生知



禮度天縱才明玉立殿天子之邦介然秉大  
 臣之節震電憑怒謹言而不有厥躬鼎鑊沸  
 前臨事而義形乎色蠢廸檢押難常情之所  
 易志深直諒易古人之所難外其身而富貴  
 不離行其道而死生弗替非夫合一之德格  
 于皇天不二之心形于造次則何以异是乎  
 允所謂振古之元龜皇王之威寶者矣且夫  
 公之德烈充塞寰宇公之謀猷著明日月大  
 歷五年冬十二月孫儼懼遺盛美不遠求蒙  
 以真卿天祿校文叨大僕之下列憲臺執簡

承諭德之深知雖青史傳信實錄已編於方  
 冊而豐碑勒銘表墓願脩於論撰謹憑吏部  
 負外郎盧僕所上行狀略陳萬一多恨闕遺  
 其辭曰

天命玄鳥降而生商湯孫之緒微子分疆詞  
 招正則尉翼文皇吏部皇門紛綸耿光忠賢  
 世出信史相望篤生丞相祚我有唐文明純  
 嘏毅烈堅剛怕衛間氣星辰降芒嶷然山立  
 鏗爾金鏘忠孝之盛人倫紀綱垂髻能文夢  
 鳥發祥通昔究易冲齡擅場勝冠結綬歷政



洋洋乃尉合宮貳軺琅琅賦唾梅豔篇美松  
長蘓公嗟稱才必佐王滿歲從調試言高驤  
登聞黼展驟列繡裳邁跡天官如珪如璋司  
言鳳閣綸綍煌煌乃作中丞威稜莫當志除  
兇狡廷劾二張天后愕眙百寮震惶公獨凜  
然出身激昂義形顏色精貫穹蒼皇室中興  
嘉謀克彰功成牢釀事軼屠羊貳職選曹諫  
議是匡載清流品屢奏封章乃侍瑣闈時維  
夕即悉心糾正庶績咸康三思睢盱席寵干  
常基之就第慙懼靡亢左曹攝轄大鹵于襄

兼刺貝卯朋辭鴈行三思揖語公獨循墻處  
之不忤轉旆于杭既還鄴城遂尹洛陽乃作  
冢宰訏謨廟堂俄兼宮相亟綰銀黃玄宗登  
儲鎮國是遑潛謀廢立謠詠相翔厥男撓政  
累奏愆殃聿臨楚邦荐察冀方總督幽薊翻  
飛國庠亞相烈烈尹京趨趨旋臨建德歛蒞  
南荒俚師咸斃茅攄是攘張公頌德雋永甘  
棠所忠來召拜命即裝路無交言帝用式減  
載司刑吏八座抑揚兼監黃樞鈞軸是將匪  
躬蹇蹇終始泯泯乃拜儀同允釐保障河東



閱故汗洽如漿狂豎犯閔允渠旣戕命公衆  
獄咸脫死亡及陟右揆右揆泱泱每謔王君  
豈常矜莊懸車告老庶保康強方崇饋醕孤  
映縑緗天不憖遺萎哲壞梁一人震悼九有  
淒涼市旣罷賈春仍絕糧乃贈太尉飾終禮  
滂返葬沙河羽儀央央闔朝傾祖河尹護喪  
生榮死哀行路感傷令人儒慕攀泣煌煌高  
墳崔嵬鉅鹿劇旁森稍宰樹繚繞連岡于嗟  
廣平宅此不暘孝孫翼翼論譔靡忘豐碑碣  
豎萬古訾相

歷七年歲次壬子九月二十五日

孫儼追建

唐故太尉文貞宋公神道碑側記

初公任監察御史持服于沙河縣屬突厥寇  
趙定州河朔亮懼邢州刺史黃文軌投艱于  
公以父母之邦金革無避及賊至城下公爲  
曉陳禍福其徒有素聞公威名者乃相率  
而去之開元末安西都護趙含章冒于貨賄  
多以金帛賂遺朝廷之士九品以上悉皆有  
名其後節度范陽事方發覺有司具以上聞



金華瑤瑤卷十六  
十  
玄宗切責名品將加黜削公一無所受乃進  
諫焉玄宗納之遂御花萼樓一切釋放舉朝  
皆謝公衣冠儼然獨立不拜翌日入奏玄宗  
謂公曰古人以清白遺子孫乃卿一人而已  
公曰含章之賄偶不至臣門非不受也玄宗  
深加歎之前碑闕焉故略述于此公第三子  
渾之為中丞也方欲陳乞御制碑頌未果而  
中受譴謫旋羯胡作亂事竟不成真卿時忝  
監察殿中為中丞屬吏故公孫儼泣請真卿  
論讓之昭義軍節度觀察使尚書左僕射兼  
御史大夫平陽郡王薛公曰嵩以文武忠義  
之姿為國保障上慕公之德業歎尚無窮次  
嘉儼之懇誠宗豎莫致廼命屯田郎中權邢  
州刺史封演購他山之石曳以百牛僞刻字  
之工成乎半歲磨礮既畢建立斯崇遠近嗟  
稱古今榮觀雖大賢為德樹善庸限於存亡  
而小子何如附驥托跡於階序真卿刺湖州  
之日因成文請儼刻其側而志之未及雕鐫  
而第六子衡因謫居沙州參佐戎幕河隴失  
守介于吐蕃以功累拜工部郎中兼御史河



西節度行軍司馬與節度周鼎保守燉煌僅  
十餘歲遂有中丞常侍之拜恩命未達而吐  
蕃圍城兵盡矢窮為賊所陷吐蕃素聞太尉  
名德曰唐天子我之舅也衡之父舅賢相也  
落魄於此豈可留乎遂贈以駝馬送還于朝  
大歷十二年十一月以二百騎盡室護歸士君  
子偉之乃古來所無也上欲特加超獎且命  
待之于側門十三年春三月吏部尚書顏真  
卿記

宋公神道碑獨完好惟碑側記缺八字

碑去官道二里餘世罕知者以故久不  
顯于世致君因謁墓下始得之且難舊  
史不載新書闕遺乃刻顏公體大書字  
畫別刻于石庶久其傳邢惟襄國舊都

邱塚纍然類皆煙滅于無聞獨公之墓  
高不踰丈豈碑尚存豈特忠義足以垂  
名于不朽世亦以顏魯公之賢而此碑  
尤為可貴也墓之東有碑缺二之祖贈  
邢州刺史為居民斧而剝之所謂側門  
是也自衡之後子孫無顯官于唐今有



隸編戶者猶公收誥官置墓田俾耕以  
守誥為前政取去莫知所在大宋崇寧  
二年七月一日編修國朝會要所檢閱  
文字范致君記

右唐宋文貞公碑并碑側記皆顏魯公  
撰并書文貞墓在 之沙河縣碑久  
埋沒土中近於友方思道作縣出之重  
樹於墓以榻本見示金石錄謂碑與新  
史不同者二事又謂碑側記載文貞逸  
事甚詳而新舊史皆無之子家藏魯公

文集中有此碑因得比較以補石本之  
缺但其文時有小異如集本云建一言  
而天下倚平碑一言作一陽集本云曾  
祖弘俊碑作弘峻集本言嘗夢大鳥啣  
書吐公口中公吞之碑作大鳥啣書吐  
公口中而咽之集本云欲優游自免碑  
自免作鄉里集本云左右震竦碑左右  
作天后集本云勅使馳救之碑救作赦  
集本云與執法通同碑作與執政通問  
集本云玄宗將幸西蜀碑作中宗將幸



西京集本云公盛氣詰之碑氣作色集  
本云東宮有大功宗廟社稷主也安得  
異議碑作春宮有大功主安得異議集  
本云駕幸洛陽碑作駕達東都集本云  
馳道險隘行不得前碑作馳道隘稽車  
騎不得前集本云以臣免之碑臣字下  
有言字集本云母寵子愛碑作母寵子  
異集本云勅公按覆碑無勅字 集本  
云置之座右碑之作諸集本云仲冬十  
九日碑作十有九日集本云喪葬官供  
碑喪葬作噐葬集本云戊寅歲五月碑  
無歲字集本云叨太僕之下烈碑烈作  
列集本云義形言色碑言作顏集本云  
既遷鄴城碑遷作還集本云汗洽流漿  
碑流作如其不同者又如此此則趙氏  
之所未及也



金薤琳琅卷第十六

金薤琳琅卷第十七

太僕少卿吳郡都

穆

唐達奚珣遊濟瀆記

唐濟瀆廟北海壇器物銘

唐姜源公劉廟碑

唐伯夷叔齊碑

遊濟瀆記

吏部侍郎達奚珣文

監門衛兵曹參軍薛希昌書

軹縣南北數十里濟水出焉稽乎舊章可得



而道自河浮錄甲帝命玄夷疏剛澮而正乾  
網鏟陵巒而通委輸所謂四瀆資我而成彼  
貳水者或在幽僻遠而貌竒伊何足貴豈與  
夫體清淳之氣據函夏之中平地開源分空  
正錄表裏皆淨似若非深舟楫既加乃知無  
底冲和自抱斯君子之量歟從此而東截河  
通汶不以險阻 其勢不以清濁汨其流終  
能獨運長波滔滔入海沉潛剛克斯君子之  
量歟意者洞幽明貫天壤包荒萬類出入無  
間形與化遊復歸於道不然何其異也雖金

火交作變通殊制而浮沉之事亦無捨旃旃國  
家南正司天北正司地以為百神授職則陰  
陽無錯繆之災郡望聿脩水土得平均之序  
欽若稽古道若虛行閔宮有洳象設如此流在

目一望森森動人覺毛髮之間風颭四起然  
後以諸侯之禮禮而禊之至於下人日用蘋  
藻吉凶悔吝則以情言且神道無方豈存於  
此而物類相召或有憑焉廬溜潛通動植茲  
液高樹直上百尺無枝虛篁下清四時一色  
意隔人世空聞鳥聲陽浦先春草心方變危



岸猶冷苔生未穠紅晶落而天下陰青靄凝而衆山暮留賞無厭歸情坐忘中途載懷歷歷在眼庶記豪翰光昭厥美云

右遊濟瀆記唐吏部侍郎達奚珣撰兵曹參軍薛希昌八分書濟瀆在今河南濟源縣西三里歲癸酉仲冬予亦嘗獲遊瀆有祠以祀大濟之神其殿北復有北海神殿北海之前有池周七百步其西一池周與之等而中通焉即濟水所聚蓋其源自王屋山天壇之顛伏流百里

至此復見東南合流至溫縣歷彌公臺入於河禹貢所謂導汎水東流為濟是也東池俗傳間能出物以應人之求然率始於三月至四月望而止餘月則否蓋春夏之交泉脉騰沸而濟尤勁疾物隨沸而上人或取湏臾復沉予之遊也默禱於神願出物以彰靈異道士云隆寒水泉不動物不能上予笑曰豈有靈神而畏寒者乎爾姑為我禱久之物竟不能出道士之言始信而世俗所云



者皆誕妄也

唐濟瀆廟北海壇新置祭器沉幣雙舫雜物之銘并序

朝散大夫行河南府濟源縣令張洗字濯纓撰

有唐六業海內晏然偃革字宗乎祀典封

茲瀆為清源公建祀於泉之初源也置瀆令

一員祝史一人齋即六人執魚鑰備灑掃其

北海封為廣澤王立壇附于水之濱矣天子

以迎冬之日命成周內史奉祝文宿齋毳冕

七旒五章劍履玉佩為之初獻縣尹加繡冕

六旒三章劍履玉佩為之亞獻邑丞玄冕加

五旒無章亦劍履玉佩為之終獻用三牲之

享邦之大事先在祀乎濯纓不才謬領茲邑

下車入廟每事皆問主者有云俎豆素闕弊

難悉數其尤者有五北海望壇臨事壘土朽

椁一歲而費數金為勞之甚其弊一也二所

祭器凡百有二十二事至時請於上寮轉轂

入洛去來三百餘里仍以稅緡酬之積有歲

時不知窮極其弊二也沉幣雙舫又以車取



池河渡口之舟往返之勞結綵之飾其弊三也兩壇位席百領有餘戶至殊求為擾非潔其弊四也狀榻乃至七<sup>七</sup>著用之類門到歛索事終存亡太半其弊五也既革前弊輒為之銘銘曰

寤寐求思如神有知大風離披壞木於斯人吏驚馳念茲悟茲前年夏及今年春大風壞祭器燕沉為余有意廟中無備沉幣雙舫二獎之舫也壇祭器子來悅使所借皆遂觀者闐闐事無闕焉刻之于石以待後賢是時也貞元十有

三年

右唐濟瀆北海壇器物銘濟源縣令張洗撰歐陽公謂洗之所記乃開元時事州縣祠廟置齋即六人官不勝其濫又謂史家不能詳載惟於碑刻見之按碑作於貞元十三年歐陽公誤以貞元為開元且碑載廟有令一人祝史一人則其官固不止于齋即考之唐書百官志五嶽四瀆令各一人主掌祀事此外又有祝史各三人齋即各十三人則官之



濫又不止如歐陽公所書而史家亦未嘗不詳載也但與碑有不同耳

唐姜嫄公劉新廟碑

太中大夫行中書舍人上輕車都尉賜金魚袋高郢撰

節度巡官將仕郎試大理評事張

誼書

姜嫄者炎帝之後有邠氏之女姓姜字嫄帝  
嚳之元妃后稷之母也公劉者后稷之曾孫  
周武王之十代祖也姜嫄嘗出遊見巨跡而  
履之載震載夙時維后稷以居然生子心所  
不康初寘之隘巷再寘之平林三寘之寒水  
皆有以全度者既而收之遂名之棄生有赫  
靈之異長有躬稼之勤法施于人以濟粒食  
堯乃命為農師而封諸邠農師實后稷也古  
初造物首出群理事必出之本言必天地之  
際當虞舜之時稱禹平水土韜布五教稷播  
百穀咎繇明五刑地平天成萬代永賴舜以  
奮庸命禹禹讓于稷稷咎繇及以元后命禹  
禹獨讓于咎繇曰朕德罔克人不依咎繇邁



種德德乃降黎人懷之茲大禹所以言天意  
永命之所歸缺一夏有天下載祀四百禹之

祚也商有天下載祀六百契之祚也周有天  
下載祀八百后稷之祚也自時厥後百王澆

季而咎繇缺一積累于天天祚永歸有所底  
止乃以無彊之歷命我聖唐盛德大業與天

地准追視三代猶指掌矣昔者周缺一文武  
之烈本於后稷后稷之生本於姜嫄故詩曰

厥初生人時維姜源后稷之子曰不窋失官  
而奔於戎狄不窋之孫曰公劉缺一於豳居

以平西戎以篤前烈故詩曰篤公劉于邠斯  
館是知姜嫄有德于周公劉有德于豳先賢

所出立祠舊矣我國家稱秩元祀咸秩無文  
山川鬼神亦莫不寧而姜嫄公劉之廟舊制

卑陋湫隘在市非所以崇明祀敬鬼神也貞  
元四年缺一邠寧節度觀察使檢校刑部尚

書兼御史大夫朗寧群王張公獻甫戎醜是  
膺授鉞而至肅肅王命維公將之烈烈缺一四

成之略地千里亭郵嚴于外啓行一戰弓矢  
案于內率乘睦而知禮風俗康而狎野覩此

案于內率乘睦而知禮風俗康而狎野覩此



二廟獨為匪安公曰嘻精潔莫重于明神喧  
缺一甚于市廛奈何雜處乎夫小人者知鼓  
 舞之事神而不知執狎之慢神知事神之求祐  
 而不知慢神之賈禍茂草一去遺塵萬祀  
缺一而無知則已若曰有知而喧囂瀆易之  
 俾中夫札瘥天昏之患者得非長吏慈惠之  
 不足耶乃以不忍人之心行不忍人之政且為二缺  
 字既而卜遷粵以貞元六年十一月九  
 日作新廟于南郭焉地則郊野之閑左水右  
 山有清謐之勝材則楹遷之至上棟下宇非

徵歛之字缺一則農務之隙量功命日無妨奪  
 之弊移嘉木而樹之考良辰而落之神於是  
 嚴威而蠲乎所處人於是祇惕而遠乎所瀆  
 是惠於人無過之地而寧神於不怒之境仁為  
 已任不亦厚乎夫神聰明正直者也唯忠肅  
 恭懿乃能承之順此而祭不必多品故雖澗  
 谿之毛汙之水而君子率是四德陳於二簋  
 行之以禮奉之以懿潔之以齋達之以和則  
 行可得事焉祐可得而致焉夫子曰邱禱久  
 矣抑為尚書張公以文武之憲純一之良知



無不為忠也正色帥下肅也執事有恪恭也  
擇善而從懿也自先幽州大夫以來一門四  
人缺三方繼踵勲績為時心膂所資非他忠  
肅恭懿而已用能承天之寵獲神之勞以屏  
王室以揚家聲也宜哉祠成三歲矣而銘記  
尚闕將恐寤遠失其所由乃陳梗槩爰此刊

刻辭曰

何賢乎姜源曰克生后稷何賢乎后稷曰克  
降農殖后稷之道至今賴之姜源之德如何  
忽思何賢乎公劉曰肇宅豳土何字缺二豳土

曰平戎之所乃今乃古有廟有宇宇亦既卑  
廟亦既摧闕闐朝合鄙塵暮開虫虫群毗屑  
屑徘徊瀆禮非敬犯神有災朗寧戾止理化  
咸集財豐衆和暴禁兵戢惟此墻屋公私必  
葺矧伊明祠風雨所及是度是築乃遷乃立  
奉我皇德達於有神揚神之威靜乎虜塵亦  
惟正直克贊忠純勒銘茲庭永示邑人

節度判官殿中侍御史韋丹建立處士

張瑄篆額

右唐姜嫄公創新廟碑中書舍人高郢



撰試大理評事張誼行書廟在今邠州  
城南唐邠寧節度觀察使張獻甫所遷  
故當時稱曰新廟而高郢為文予昔以  
尚書郎出使寧夏道邠謁廟其後稍上  
有履迹平爾雅大野曰平俗作坪非乃姜嫄履巨人  
迹所在予為大書履迹平三字俾州官  
刻寘廟側蓋州人但知有廟而少知乎  
此故表而出之

唐伯夷叔齊二公碑

并序

安定梁昇卿纂文及書

二公諱伯夷叔齊昔有殷時漁東孤竹君之  
子也自歷載所記有國以來事之善者莫先  
於讓是故君老于位命立叔齊齊固辭以請伯  
伯固請以不嗣遂相與義退遯逃西周當是  
時也帝殷不減用錯天紀人棄莫保以戴於  
周周武王秉白髦杖黃鉞經綸所以撥亂威  
略所以 罰雷震萬國風行六師二公于時  
推忠臣之誠明死君之節伏車而諫慷慨瀝  
血且夫大運不以昔曠達節不以義距黔首  
焉得以厭毒鬼神焉得以無主於是討罪于



商為天下王二公以立志真也檢身操也建  
 侯戡難不可以闕也以臣伐君不可以訓也  
 相于國莫非其土異于事不食其粟乃西上  
 首陽之山歌采薇而死蓋天下義感之私<sub>始</sub>  
 也及孔子生東周之季演中興法游夏之徒  
 皆誨納于教未嘗叙仁人烈士不先于二公  
 者焉謂不辱其身不降其志矣若乃紛綸茂  
 德載在策府則太伯之道子臧之仁也上思  
 附義退曰能賢則宋穆之言延陵之行也道  
 無不貴志不苟合則許由之尚伯成之高也

慮必中清廢能中權則虞仲之居夷佚之放  
 也聲垂事載功存業廣則范蠡之去魯連之  
 辭也此數公者至於黜榮保讓亦為盛矣兼  
 之固君臣之分以愛其節則曷可以同議也  
 所謂繼之者忠矣杖之者義施<sub>矣</sub>之者誠矣用  
 之者確矣昭矣至矣躡矣允矣上古無以  
 加百代為之憲越大梁歲行于是邦遇縣宰  
 太原王公惠工訓農勸學敬教群業頓以繫  
 賴四方咨於作則邑臨未周人悅有化以為  
 二公廟德不祀實甚懼焉復何以圖不朽示



金薤琳瑯卷十七  
來者而已遂因簡力考餘時經始是資敷崇  
舊規厥構棘翼自公尸之然則表前載揚懿  
烈使駿光熊能彰紀事也以吾學乎舊史氏  
請隲其文固不佞乃作銘曰

大道混混或險夷兮殷實荒德莫<sub>業</sub>于主人神  
疑兮帝用克商大運期兮天下爭利而獨犇  
義貞名垂兮神農虞夏氏已沒曷所惟兮斲  
石千秋聞風規兮黃鉞不降志

開元十有三年惟一月既望刊立衛鶴  
趙禮范謙刊

金薤琳瑯卷第十七



金薤琳琅卷第十八

太僕少卿吳郡都穆

孔子廟堂碑

破邪論序

孔子廟堂碑

太子中舍人行著作郎臣虞世南

奉勅撰并書

司徒并州牧太子左千

闕一字

率兼

檢校安北大都護相王旦書碑額

微臣屬書東觀預聞前史若乃知幾其神惟



睿作聖玄妙之境希夷不測然則三五迭興

典墳斯著神缺一聖跡可得言焉自肇立書

契初分爻象委裘垂拱之風革夏翦缺五質

之殊致進讓罕同靡不拜洛觀河應符受命

名居域中之大手握天下之圖象雷電缺二

威刑法陽春而流惠澤然後化漸八方令行

四海未有偃息鄉缺六預帝王之錄遠跡缺

骨史之儔而德侔覆載明兼日月道藝微而

復顯禮樂弛而更張窮理盡性光前絕後垂

範百王遺風于萬代猗歟偉歟右斯之盛者

夫子膺缺四之精踵千年之聖固天縱以挺

質稟生德而降靈載誕空桑自標河海之狀

纔勝逢掖克秀堯禹之姿知微知章可久可

大為而不宰合天道于無言感而遂通顯至

仁于藏用祖述先聖憲章往哲夫其道也固

以孕育陶均苞含造化豈真席卷八代并吞

九邱而已哉雖亞聖鄰幾之智仰之而彌遠

亡兵霸越之辯談之而不及于時天歷浸微

地微維將絕周室大壞魯道日衰永歎時艱實

思濡足遂廼降跡中都俯臨司寇道超三代



止乎季孟之間羞論五霸終從大夫之後固  
知栖遑弗已志在于求仁危遜從時義存於  
拯溺方且重反淳風一匡未運是以載贄以  
適諸侯懷寶而遊列國玄覽不極應物如響  
辯飛龜於石函驗集隼于金積觸舟既曉專  
車能對識罔象之在川明商羊之興雨知來  
藏往一以貫之但否泰有期達人所以知命  
卷舒惟道明哲所以周身牖里幽憂方顯姬  
文之德夏臺羈紲弗累商王之武陳蔡為幸  
斯之謂歟於是自衛反魯刪書定樂贊易道

以測精微修春秋以正褒貶故能使紫微降  
光丹書表瑞濟濟焉洋洋焉充宇宙而洽幽  
明動風雨而潤江海斯皆紀乎竹素懸諸日  
月既而仁獸非時鳴鳥弗至哲人云逝峻嶽  
已隕尚使泗水却流波瀾不息魯堂餘響絳  
竹猶傳非夫體道窮神至靈知化其孰能與  
於此乎自時厥後遺芳無絕法被區中道濟  
天下及金冊斯誤玉弩載驚孔教已焚秦宗  
亦墜漢之元始永言前烈褒成爰建用光祀  
典魏之黃初式遵故訓宗聖躋爵允輯舊章



金行水德亦存斯義而晦明匪一屯亨遯有  
筐筥蘋蘩與時升降靈宇虛廟隨道廢興炎  
精失御蜂飛蝟起羽檄交馳經籍道息屋壁  
無藏書之所階基絕函丈之容五禮六樂翦  
馬煨燼重弘至教允屬聖期大唐運膺九五  
基超七百赫矣王猷蒸哉景命鴻名盛烈無  
得稱焉皇帝欽明睿哲參天兩地迺聖迺神  
允文允武經綸云始時維龍戰爰整戎衣用  
扶興字缺一神謀不測妙筭無遺弘濟艱難平  
壹區宇納蒼生于仁壽致君道於堯舜職兼

三相位總六戎玄珪秉石之尊朱戶渠門之  
錫禮優往代事踰恒典于是在三曠命字四

充隆帝道丕承鴻業明玉鏡以式九圍席蘿  
圖而御六辯寅奉上玄肅恭清廟宵衣晨食

視膳之禮無方一日萬機問安之誠彌篤孝  
治要道於斯為大故能使地平天成風淳俗  
厚日月所照無思不服字缺一獫狁為患自

古周道再興僅得中筭漢圖方遠纔聞下冊  
徒勤六月之戰侵軼無愆空盡貳師之兵憑  
凌滋甚皇威所被犁興瞻納空山盡漠歸命



闕庭充伋藁街填委外殿開闢已來未之有也靈臺偃伯玉関虚候江海無波烽燧息警非煙浮漢祭光莫河楛矢東歸白環西入猶且兢懷字缺二馭朽納隍卑宮菲食輕徭薄賦斷珣反撲抵璧藏金革寫垂風綈衣表化歷選列辟旁求遂古克已思治曾何等級於是眇屬聖謨凝心大道以為括羽成器必在膠雍道德潤身皆資學校矧也升妙義析理微言厲以四科明其七教懿德高風垂寰斯遠而棟宇弗修宗祧莫嗣用紆聽覽爰發絲

綸武德九年十二月廿九日有詔立隋故紹聖侯孔嗣哲子德倫為褒聖侯乃命經營惟新舊趾萬雉斯建百堵皆興揆日占星式規大壯鳳薨騫其特起龍角儼以臨空霞入綺寮日暉丹檻窅窅崇邃悠悠虚白字缺二寫狀妙絕人功象設已陳肅焉如在握文履度復見儀形鳳跨時龍蹲猶臨咫尺莞爾微笑若聽武城之絃怡然勳色似聞簫韶之響簷簷盛服既覩仲由侃侃禮容仍觀衛旨不疾而速神其何遠至於仲春令序時和景淑皎潔璧



池圓流若鏡青葱槐市總翠成帷清滌玄酒  
致敬於茲日合武釋菜無絕於終古皇上以  
幾覽餘暇遍該群籍乃製金鏡述一篇永垂  
鑒戒極聖人之用心弘大訓之微旨妙道天  
文煥乎畢備副君膺上嗣之尊體元良之德  
降情儒術遊心經藝楚詩盛於六義沛易明  
於九師多士伏膺名儒接武四海之內靡然  
成俗懷經鼓篋攝齊趨奧並鏡雲披俱餐泉  
涌素絲既染白玉已彫資稟匱以成山導涓  
流而為海大矣哉然後知達學之為貴而弘

道之由人也國子祭酒楊師道等偃玄風於  
聖世聞至道於先師仰彼高山願宣盛德昔  
者楚國先賢尚傳風範荆州文學猶鐫歌頌  
况帝京赤縣之中天街黃道之側聿興壯觀  
用宗明祀宣文教於六學闡皇風於千載安  
可不贊述徽猷被之雕篆乃抗表陳奏請勒  
貞碑爰命庸虛式揚茂實敢陳舞詠乃作銘  
云

景緯垂象川岳成形挺生聖德寔稟英靈神  
凝氣秀月角珠庭探頤索隱窮幾洞冥述作



爰備邱墳咸紀表正十倫章明四始繫續義  
易書因魯史懿此素正邈焉高軌三川削弱  
六國從衡鷄首兵利龍文鼎輕天垂伏鼉海  
躍長鯨解黻去佩書燼儒坑纂堯中葉追尊  
大聖乃建褒城成膺茲顯命當塗創業亦崇師  
敬胙土錫圭禮容斯盛有晉崩離維傾柱折  
禮亡學廢風頽雅缺戎夏交馳星分地裂蘋  
藻莫奠山河已絕隨風不競龜玉淪亡樽俎  
弗習干戈載揚露霑闕里麥秀鄒鄉修文繼  
絕期之會昌大唐撫運率繇王道赫赫玄功

茫茫天造奄有神噐光臨大寶比蹤連陸追  
風炎昊於鑠元后膺圖撥亂天地合德人神  
攸贊麟鳳為寶光華在旦繼聖崇儒載修輪  
奐義堂弘敞經肆紆縈重巖霧宿洞戶風清  
雲開春牖日隱南榮鏗聒鐘律蠲潔齋明容  
範既備德音無斲肅肅升堂粦粦讓席獵纓  
訪道橫經請益帝德儒風夫宣金石

推誠奉義翊戴功臣永興軍節度管內  
觀察處置等使特進檢校太師兼中書  
令行京兆尹上柱國壞環琊郡開國公食



邑四千五百戶食實封一千三百戶王  
彦超再建 安祚刻字

右唐孔子廟堂碑虞世南撰并正書在  
今陝西西安府學乃宋王彦超翻本字  
之缺者凡一百七十有九予家藏舊榻  
唐刻因參校以足其文嘗記在京師時  
見世南真迹謂以此文石本進呈太宗  
特賜王羲之黃銀印一顆則世南之書  
貴重於當時者固已如此但世之人不  
見真迹故鮮有知是說者

破邪論序

太子中書舍人吳郡虞世南撰并

書

若夫神妙無方非籌算能測至理凝闕一豈

繩准所知寔乃常道無言有著斯絕安可憑

諸天縱窺其窅冥者乎至如五門六度之源

半字一乘之教九流百氏之目三洞四檢之

文苟可以經緯闡其圖詎可以心力到其境

者英猷茂寔代有人焉法師俗姓陳潁川人

晉司空郡之後自梁及陳世傳纓冕爰祖廼

眼 法

無心三子



伯累業儒宗法師少學三論名聞朝野長該

衆典聲振殊俗威儀肅穆介節淹通留連清

翰發擿微隱比地方春用顯仁之量如愚若

訥外闇內明之功固能智同測海道亞彌天

豈止操類山濤神侔庾亮而已余其文情乃

典而不野麗而有則猶八音之並奏等五色

以相宣道行則納正見於三空拯群生於八

苦既學博而心下亦守卑而調高實釋種之

梁棟生人之羽儀者矣加以眼乏扶危先人

後已重風光之拂照林牖愛山水之負帶煙

霞願力是融晦迹肥遁以隋開皇之末隱於

青溪山之鬼峪洞焉迥構巖崖缺一字虧日月

空飛戶牖則吐納風雲其間採五芝而偃仰

遊八禪而寢息餌松朮于溪澗披薜荔于山

阿皆合掌歸依摩頂問道經行恬靜十有餘

年然其壘嶂危岑長松巨壑野老之所栖盤

古賢之所遊踐莫不身至目覩攀穴指歸仍

撰青溪山記一卷見行系世太史令傳奕學

業膚淺識慮非長乃穿鑿短篇憑陵正覺將

恐震茲布鼓竊雷門中庸之人頗成阻惑法



師懲彼後昆又撰破邪論一卷雖知虞衡衛同奏表異者九成蠅驥並驅見奇者千里終須朱紫各色清濁分流訶以凡測聖之豐責以俗校真之咎引文證理非道則儒曲致深情指的周密莫不輒亂旗靡瓦解水銷入室有操之圖厥角無容頭之地於是傳寫不窮流布長世若披雲而見日同迷蹤而得道法師著述之性速而且理凡厥勒成多所遺逸今散採所得詩賦碑誌讚頌箴誠記傳啓論及三教系譜釋老宗源等合成三十餘卷

三十餘卷

法師與僕情殷淡水義等金蘭雖服制異儀而風期是篤輒以藤緹聯彼珪璋編為次第其辭云爾

乾隆丙申四月和日信周淑明文碑本校

右破邪論序唐虞世南撰并小楷書世南之筆惟孔子廟堂碑行世此文雖歐陽公趙明誠皆未之見而予乃得見之豈非幸哉破邪論今載釋氏藏經其說不暇深究若世南書則予之所嗜好故錄之



金薤琳瑯卷第十八

金薤琳瑯卷第十九

太僕少卿吳郡都穆

邠國公功德銘并序

右神策軍護軍中尉副使兼右街

功德副使雲麾將軍右監門衛將

軍員外置同正員上柱國弘農郡

開國侯食邑一千五百戶楊承和

撰并書

朝議郎權知撫州長史  
上柱國賜紫金魚袋翰  
林待詔陸邛篆額

天竺有聖人焉名之為佛三身牙相牙應化無  
所從來百億同名不知其誰之子德包塵界



道冠萬靈有感必通酬念如響心搵惠炬永  
燭於大千手運慈航泛流于沙劫晦明不二

淨穢兩同正智如如我無所得雖後天地而

有質字缺先天地而字缺一形莫不究清濁之未

然識方圓之始卒大矣哉若非天下之至精

孰能如此夫大德小德優劣本同賢人聖人

取捨各異乃引眾星之表月立萬象以尊天

因喻發揚憑茲外飾有言子貢賢于仲尼者

不知仲尼之聖字缺于子貢有言何難相同

諸佛者不知諸佛非相以攝阿難見尺晏之

至微如大鵬之至廣觀秋豪之至短知大椿

之至長擬于物即尺晏秋豪擬于人即阿難

子貢雖然近如來之門戶識夫子之階墻瑚

璉寶瓶異諸凡器金楹玉棟字缺一是常材故

佛之侍從者即迦毗令人拘那貴族皆辯拙

金刹名振鐵圍駟六賊如象鳥之避鷹鷗懾

四魔若百獸之畏豺武而性海無底惠峰穿

霄善入一乘橫通三輩被精進所縛不捨用

心嘗修之于身去住未決或執如或斷如是

故生已之法隨滅滅已之法隨生常生之所



不生常滅之所不滅能銓二義其唯覺乎覺不自明方明覺也夫有生滅者是覺之用無生滅者是覺之體即知覺逐滅生生隨覺滅生滅俱寂其覺亦亡乃指素月于澄溪祛外緣于現性解出人表堪為代傳師諸法王則吾豈敢何者孔子登東山而小魯登泰山而小天下今亦然也如來觀瀾山而小聲聞觀枕山而小菩薩我佛也同彼虛空不染于幻強立真假曾未牢固是故說行而無所說行說而無所行非行非不行非說非不說非法

非非法非性非非性本不生無所滅元不覺無所寂於一不一中悟諸未悟者於起不起中導諸未道者大矣哉若非天下之至神又孰能如彼而夜景呈輝化行西土神光啓夢衆教東來思玉毫而缺一挹鷲峰仰金偈而虔瞻貝葉身已逝矣空傳結集之書性本存焉如聞在代之說且法以辯志言以辯心非法無以悟其心非言無以成其志既言說文字皆解脫相有是經處即見如來今有右街功德使驃騎大將軍行右武衛上將軍知內



侍省事上柱國邠國公食邑三千戶充右神  
策軍護軍中尉安定梁公曰守謙職是禁營  
邦家重器居繁不亂兼總緇黃讀佛言親釋  
氏其貞元中公以溫惠為甲冑清慎為戈矛  
跡尚彤闈名高紫闥至元和初授銀璋佐密  
命鼓翼高岫躍鱗洪波飛鳴近天得志江海  
五年加金紫掌樞機渙汗流心散為膏雨如  
絲入耳開展成綸捧白日以揚光戴青天而  
翼化處事之極動而可觀至十二年遇蔡人  
逆戎事興天討未平干戈在野天心恐師老

矣而誅剪未就乃命公撫衆觀敵審度遲速  
乃奉辭伐罪踴躍而行走四牡以宣暢鴻休  
利萬物以車塵相屬參整戎事董護諸軍與  
將師同其進也一其議也或縱六奇之辯即  
濤生巨浦雲出深谿或察五間之情即趙搭  
穿揚楚金伐木若有神助不謀成心我旗旣  
張我車亦列均勞逸而義夫爭死齊賞罰而  
奮臂爭馭蓄銳候時果申長策於是選精卒  
張詭道雜旌旄而不嚴部伍差進退而曲敵  
之心實為鋒鋌詐餌武口賊果輕襲利吾大



軍遂使掩沙河葛伯之賊夜避合流宵渡邵

陵之寇全平駭若奔雷勢同激電似霜霑寒

草風卷餘花縱烈火於平蕪走飛泉於大

壑摧枯易折墜瓦難全滅蔡之功十有其七

餘賊保迴曲官軍圍郾城我鼓音方厲武旅

方雄操利柄而目無全牛執其吭如芻豢悅

口摩壘問罪登陴不降梯樓滿空矢石相接

經四十日燿火失繼人無關心畏夏日之赫

光懼春水之易泮乃降仍邀公疋馬視師撫

納疑懼公悅以犯難投誠若歸遂令啓開

轡而入醜類或鼓或罷相視失色公曰來余

與爾言爾本吉人也何不徇國家之急成其

名而託身於武豹之穴求其噬輿尸覆族誰

與咎耶皇情極念之故令守謙布澤潤心宣

化清耳能悅生避禍者當聽之曰明明天子

清問下人不能勤王爾失遠略為寇盜所制

而臣節難全犯孤矢之威當剝絕之斃圓首

方足莫匪精靈念其瘡痍寔可憫惻然違予

戮汝而不赦恭命活汝而無害能遷其不祥

而為祥吉莫大也變其不幸而為幸令莫窮



也賊將卒等色轉慙禮逾謹缺一曰皇上聖

文紹統神武膺期惟德動天無遠不格被堯

舜之法服行堯舜之法言所以大文教而九

有小康小武功而天下大理嘗欲戢矛楯親

稼穡使人居安各得其壽爾一方不能安時

虛順守衛中國而罪罟自結厲階彌崇即不

得已而興師非樂殺殺人也况天德好生容長

萬物是以曲開洗汙旁設自新招示頑夫以

明廣大將士等又遭苛暴翻跡令圖亦謂朽

燼重然枯條再葉國刑當宥咸賜無辜豁爾

憂心以承慶賞降人皆投戈卷旆匣刃弛弦

觸地血流向闕蹈舞於是五千叛卒不戮一

人十萬王師皆服其德從此鯨鯢失浪烹飪

方因惡鳥巢傾折翼於此恩波大澍封錫有

差乃授公右監門衛將軍飛詔追還密職如

故又掌天地之戶牖捧造化之闡捷勲隨日

厚望逐時深公之美也不滅直以沽名不愆

義以犯物動靜無隱發言有章至十三年天

睽凝嗟賞重知勞不自伐功不自德遂與戎

印授兵符司禁旅之右也公積仁成器積器

公積仁成器積器



成名卑牧難踰高光可仰定止足之分動必  
師心辯榮辱之機道樞不撓薄嗜慾以守一  
鄙浮華而處中匡護玄流酌之不竭伏以元  
和長慶釋教大興雅叶所歸轉得親近謹於  
大興唐寺花嚴院為國寫古今翻譯大小乘  
經論戒律合五千三百廿七卷公私祿利不  
入其門凡是難得無所愛惜嘗求善書者令  
絕外塵不飲茹浴身至于精刹焚香而就筆  
硯擇其力多者以多價酬之少者去之人不  
約而自勸也於是染素流光含丹縱彩雲生

墨沼之上花開方絮之中衛索分鑣王羊並  
驚各行軌轍跡不相讓又立經堂一所三間  
徘徊安住法輪必資豐敞作制惟永壯我皇  
都豈得為工者不極其妙為材者不極其美  
殊形異狀生於斤斧之中曲直方圓豈逃繩  
墨之下於是彩棟霞張雕楹雲布朱扉洞啟  
縹壁含光羽族棲於綺窓鱗介遊於藻井脩  
羅率下爭提天矯之梁藥入命徒競戴岌岌  
之拱象靈翼衛諸護持恍惚莫辯其形來往  
不留其跡又於堂內造轉輪經藏一所刻



石為雲鑿地而出方生結構迎字缺二緣立無

數花幢竊比兜率造百千樓閣同彼化城狀

物類本擬容奪真鷄鵠若飛而不飛虹螭似

走而不走藥櫃櫛比雜之以琳琅攘桷駢羅

飾之以珠翠凌空五級方開四門璫錯相輝

煥麗交映離婁覘之炫目公輸閱之奇字缺二

歲古人多有慙色不知來者孰能繼歟於是

方表含輪虛中不滯群經之府所好必從遊

藝者任其卷舒校扶德者恣其探討或超諸垢

穢蓮花随手而開敷或等彼清涼甘露應心

而滴瀝乘之所妙者不論其小大法之所尚

者闕二其淺深譬諸江河所汲隨淺器從流自

得不礙踈數其外或圖寫龍神鬼物之狀以

為嚴飾或造菩薩天仙之類周匝其旁白壁

成容玉眸高視黃英作相金口如言設無體

之禮寔不佞於屈伸獻無聲之樂終不煩於

音律五色闕二亂其目八風無以吹其心守

靜撲以自持執堅中而不磷或虔恭默如或

侍坐儼如又於堂北別立鏡燈朱燄揚輝紅

光滿空室常生縱巧有符丁緩之奇蘭膏自芳



不假海人之贈幸斯破暗永繼其明於是群  
藝畢象工歸八龍關一軒四王護闈雨露香

砌何塵垢之蒙潤風搖寶鐸流美響之不已

公頓首奏曰臣聞法象莫大乎天地變通莫

大乎四時所以萬物生中不擇於覆載榮枯

美惡必備於寒暑雖古先哲王弘天若德豈同

聖代則而行之伏惟長慶文武孝德皇帝

陛下英冠四維氣含八極齊日月之至耀光

燭無窮等天地之至仁寰瀛授賜坐超湯禹

立並義軒駢嶽瀆之精靈馳道德之車馬有

典有則無怠無荒法上玄以生成體陰陽以

御物動合靈契事膺神符永綏兆人克顯休

命臣猥承委擢如荷印山蕭艾空竊於春陽

蝼蟻每慙於雲雨修持關二允奉穹蒼上黷

冕旒伏增驚越臣亦知螢光助於兩曜畎澮

宗于四溟實不足以添輝亦不足以濟廣然

織美見容知大明之及遠涓流必納識渤澥

之弘深臣早悟多藏勇於施捨聞斯必舉所  
作成集誓嚴持關一燄上續於恩光啟導法  
涯永資於德澤帝曰俞卿以檀波羅福保于



朕躬朕以官惟其人任卿勿貳實千載之一  
 會何魚水之見稱想卿逢時弘道多慶公荷  
 寵之極涕零如雨又奏曰如來奧旨必藉開  
 張若不言宣何以廣福臣請得無染沙門貞  
 實等二七人御斯信馬駕彼白牛直出四闕  
 掃諸五翳偕持正念調伏其心為國傳經乃  
 至無算陛下得佛祕印行取上乘於多劫中  
 為人父母遂令釋子遵有漏法傳無盡燈滋  
 寶雨而潤及四海字關一香雲而廢乎千界字  
 天之下孰不蒙益受益之利上集一人伏

願寶歷天齊金輪嶽固永居億兆之上克承  
 無疆之休帝悅依奏公曰克樹有為期於不  
 朽略須題述以告將來遂命戎副右監門衛  
 將軍楊承和文而書之辭曰小子蓬茨劣人  
 跡度卑淺無當時應用之効有僻陋至愚之  
 累靈波曲潤幸得充之幾歷星歲繆廁下風  
 聞可得道之言觀可行之行書紳不暇何以褒  
 稱至如走光塵俟嘉命愚人不敢拒若使陳  
 葺字關一具德美愚人不敢當公不聽又辭曰  
 抑短羽齊九臯之鄉殊不驚人使弊足追萬



里之跡豈宜及遠雖冲霄有路且力小未遂任  
况逐日無功而敢煩羈勒公又不聽是以磨  
鉛赴罇俎之割策鈍當天衢之駟流汗如沃  
愧顏若丹輒盡野辭書于琬琰銘曰

香山之東雪山之北善勝道場迦維之國飯  
王聖子有大威德菩薩伏膺龍天仰則總彼  
十名高談四諦能拔於一毛普現一切阿僧祇  
劫瞬目所睇微塵刹土凝心所計無說非默  
有說非語汲引未終豈厭寒暑八正齊列三  
乘未舉惆悵逝多歲不我與舉足下足群魔

愁謗歸歟歸歟飭彼迷忘優曇忽折摩尼驟  
喪海會無言靈山多曠猗歟大雅情靈藩翰  
上下四維吾道一貫藏諸不理顯諸不亂託  
跡光周遺宗炳漢操之即存捨之即亡如來  
寶印付囑我唐必正墜典克續頽綱法雨一  
潤佛日重光真諦所歸城中之大無為所及  
宇宙之外幽宗默識玄機暗會千劫飛輪萬  
方承賴既崇其化邠國欽承久積吉行發言  
相膺意馬早繁繁心猿不升出彼夢宅如上崗  
陵不捨有相無相所依不離有作無作所歸



焚舟得濟到岸應稀達人是是塵人非非雲  
 赴壽山澤歸福海層峰永固波瀾不改衆善  
 斯立舒光耀彩樹彼勝因渠茲爽塏順生攝  
 生從俗出俗因機立化賢愚共欲精廬大啟  
 材力豐足購地關字一金開塔累玉大匠誨人  
 必先規矩大關字一垂美亦先棟宇墨請操繩  
 般求執斧樸斷未已師者如堵千仞之桂良  
 工所度十圍之松備于制作鈿飭土水木海物  
 交錯藻井舒蓮含芳吐蕙裝嚴寶藏水陸窮  
 珍瓌姿競麗華璞爭新馳光耀谷浮彩榮濱

既美且良悉得其真實樹成行寶階上聳善  
 安不拔善高不恐欄楯曲周簷楹接擁蓋若  
 天垂花如地涌寔以方外四門不扁虛以圓  
 內萬法有經金石絲竹風來可聽玉釜旃檀  
 日照彌馨鏡開八面燈傳一光夜關字一素魄  
 晝助紅芒齊明隱顯等鑿行藏膏平潤久心  
 直燃長忍鎧常穿四魔不脅智劍常拔三灾  
 不怯何以奉佛剎耶散業何以奉國演日成劫

長慶二年十二月一日立 天水張瓊等奉勅並刻

右唐邠國公功德銘右神策軍護軍中



尉楊承和譔并書邠國公者內侍梁  
守謙也攷之唐史宦者守謙無傳惟憲  
宗十五年書帝暴崩於大極殿中尉梁  
守謙王守澄等共立太子殺吐突承瓘  
及澧王暉而韓文公平淮西碑亦載守  
謙在帝左右嘗命之往撫蔡師夫守謙  
以一宦者而爵至上公此可見憲宗之  
信任小人宜其晚節不終卒死宦者之  
手然則予之錄此蓋將為天下後世之  
戒而非徒取其文字也

金薤琳琅卷第十九



金薤琳琅卷第二十九

太僕少卿吳郡都穆

唐顏魯公小字麻姑壇記

唐顏少保碑

唐撫州南城縣麻姑山仙壇記

麻姑者葛稚川神仙傳云王遠字方平欲東之括蒼山過吳蔡經家教其尸解如蛇蟬也經去十餘年忽還語家言七月七日王君當來過到期日方平乘羽車駕五龍各異色旌旗導從威儀赫奕如大將也既至坐須臾引



見經父兄曰遣人與麻姑相聞亦莫知麻姑  
是何神也言王方平敬報久不行民間今來  
在此想麻姑能暫來有傾信還但聞其語不  
見所使人曰麻姑再拜不見忽已五百餘年  
尊卑有序脩敬無階思念久煩信承在彼登  
山顛倒而先被記當按行蓬萊今便暫住如  
是便還還即親觀願不即去如此兩時間麻  
姑來來時不先聞人馬聲既至從官當半於  
方平也麻姑至蔡經亦舉家見之是好女子  
年十八九許頂中作髻餘髮垂之至腰其衣

有文章而非錦綺光彩耀日不可名字皆世  
所無有也得見方平方平為起立坐定各進  
行厨金盤玉杯無限美膳多是諸華而香氣  
達於內外擗麟脯行之麻姑自言接待以來  
見東海三為桑田向聞蓬萊水乃淺於往者  
會時略半也豈將復還為陸陵乎方平笑曰  
聖人皆言海中行復揚塵也麻姑欲見蔡經  
母及婦經弟婦新產數十日麻姑望見之已  
知曰噫且止勿前即求少許米便以擲之墮  
地即成丹砂方平笑曰姑故年少吾了不喜



復作此曹狡獪變化也麻姑手似鳥爪蔡經  
心中念言背痒時得此爪以杷背乃佳也方  
平已知經心中所言即使人牽經鞭之曰麻  
姑者神人汝何忽謂其爪可以杷背邪見鞭  
着經背亦不見有人持鞭者方平告經曰吾  
鞭不可妄得也大歷三年真卿刺撫州按圖  
經南城縣有麻姑山頂有古壇相傳云麻姑  
於此得道壇東南有池中有紅蓮近忽變碧  
今又白矣池北一壇傍有杉松松皆偃蓋時聞  
步虛鍾磬之音東南有瀑布漂下三百餘尺

東北有石崇觀高石中猶有螺蚌殼或以為  
桑田所變西北有麻源謝靈運詩題入華子  
崗是麻源第三谷恐其處也源口有神祈雨  
輒應開元中道士鄧紫陽於此習道蒙召入  
大同殿修功德二十七年忽見虎駕龍車二  
人執節於庭中顧謂其友竹務猷曰此迎我  
也可為吾奏願欲歸葬本山仍請立廟於壇  
側玄宗從之天寶五載投龍於瀑布石池中  
有黃龍見玄宗感焉乃命增修仙宇真儀侍  
從雲鶴之類於戲自麻姑發迹於茲嶺南真



遺壇於龜原花姑表異於井山今女道士黎  
瓊仙年八十而容色益少曾妙行夢瓊仙而  
食花絕粒紫陽姪男曰德成繼修香水弟子  
譚仙巖法籙尊嚴而使玄洞左通玄鄒鬱華  
皆清虛服道非天地氣殊異江山炳靈則曷  
由纂懿流光若斯之盛者矣真卿幸承餘烈  
敢刻金石而志之時則六年夏四月也

右唐小字麻姑壇記顏真卿撰并書在  
今江西南城縣之麻姑山歐陽公謂或  
者疑其非真而復以為筆畫有法非魯

公不能書也趙明誠謂陳無已嘗見黃

魯直言此乃慶歷中一學佛者所書魯

直能道其名及觀陸放翁云魯公麻姑

壇記有大小二本盖用羊叔子峴山故

事通志金石略載魯公書亦有小字麻

姑壇記則歐公之款與魯直之言又似

不足信元柳待制道傳云麻姑壇碑小

字楷法尤精緊比聞舊石焚毀山中雖

重刻無復當時筆意則亦以小字為顏

書但謂石已不存非也吳文正公云麻



姑碑在吾鄉舊為雷所破重刻至再字體浸失其真則被楚者乃臨川大字本而南城之石至今固無恙也

唐故通議大夫行薛王友柱國贈祕書少監國子祭酒太子少保顏君廟碑銘并序

第七子光祿大夫行吏部尚書充禮儀使上柱國魯郡開國公真卿撰并書

集賢學士李陽冰篆額

昔孔悝有夷鼎之銘陸機有祠堂之頌皆所以發揮祖德敷演家聲故君子之觀其銘也既美其所稱又美其所為無而稱之是誣也有而不述其仁乎論而譏之敢不祇懼君諱惟貞字叔堅其先出于顓頊之孫祝融融孫安為曹姓其裔邠邠武公名夷甫字顏子皮別封邠為小邠子遂以顏為氏多仕魯為卿大夫孔門達者七十二人顏氏有八戰國有率躅秦有芝貞漢有異肆安樂其後喪亂譜謀淪亡魏有裴盛盛字叔臺青徐二州刺史



閔內侯始自魯居于琅邪臨沂孝悌里生廣陵太守給事中葛繹貞子諱欽字公若精韓詩禮易尚書學者宗之生汝陰太守護軍襲葛繹子諱默字靜伯生晉侍中右光祿大夫西平靖侯諱含字弘都隨元帝過江已下七葉葬在上元幕府山西生侍中光祿勳西平定侯諱髦字君道事具孝行傳生州西曹騎都尉西平侯諱絀字文和生宣城太守御史中丞諱靖之字茂宗生巴陵太守度支校尉諱騰之字弘道善草隸書有風格梁武帝草

書評云顏騰之賀道力並便尺牘少行於代生輔國江夏王叅軍諱炳之字叔豹以能書稱生齊侍書御史兼中丞諱見遠字見遠和帝被弑一慟而絕梁武深恨之事見梁周北齊書生梁鎮西記室叅軍諱協字子和感家門事義不求聞達元帝著懷舊持以傷之撰晉仙傳五篇日月災異圖兩卷文集廿卷見梁書生北齊給事黃門侍郎待詔文林館平原太守隋東宮學士諱之推字介著家訓廿篇冤魂志三卷證俗音字五卷文集世卷事



具本傳黃門兄之儀周御正御史中大夫麟  
趾學士隋文輔政不署矯詔索璽又拒之出  
為集州刺史新野公後朝朔望引至御榻曰  
見危授命臨大節而不可奪古人所重何以  
加卿事具周書弟之善隋葉令子孫見於後  
黃門生皇秦王記室諱思魯愍楚遊秦小記  
室字孔歸君之曾祖也隋思經校書東宮學  
士率子弟奉迎義旗於長春宮招瓜州拜儀  
同博學善屬文自為父集序國史稱溫六雅  
在隋與思魯同事東宮彥博與愍楚同直內

史省彥博將與遊秦同典校祕閣二家兄弟  
各為一時人物之選少時學業彥氏為優其  
後職位溫氏為盛溫氏譜亦載焉生勤禮字  
敬君之祖也幼而朗悟識量弘遠工於篆籀  
尤精詁訓解褐校書即與兩兄弟師古相時  
同時為弘文崇賢學士弟育德又於司經校  
定經史當代榮之太宗嘗令師古諧崇賢學  
士以兄弟特命蕭鈞讚之曰依仁服義懷文  
守一履道自居下帷終日德彰素里行成蘭  
室鶴鑰馳譽龍樓委質著作即修國史夔府



長史贈號州刺史生昭甫敬仲殆庶無恤少  
連務滋辟強昭甫字周卿君之父也幼而穎  
悟尤明詁訓工篆籀草隸書與內弟殷仲容  
齊名而勁利過之特為伯父師古所賞重每  
有註述必令參定嘗得古鼎廿餘字舉朝莫  
識盡令讀之高宗侍讀曹王屬贈華州刺史  
真卿表謝肅宗批荅卿之乃祖當為碩儒既  
高倚相之能遂有臧孫之後不墜其業在卿  
之門生我伯父諱元孫泉君伯父聰穎絕倫  
尤工文翰舉進士考功郎劉竒特標榜之由

是名動海內累遷太子舍人玄宗監專掌令

畫嘗和遊苑詩批云孔門稱哲宋室聞賢

翰墨玄絕莫之與先歷滁沂濠三州刺史贈

秘書監君仁孝友悌少孤有舅殷仲容氏蒙

教筆法家貧無紙筆與兄以黃土掃壁木石

畫而習之故特以草隸擅名天授元年糊名

考校判入高等以親累授衢州叅軍與盈川

令楊炯信安尉相彥範相得甚歡又遷授洛州

溫縣永昌二尉每遷皆判入高科侍郎蘓

味道以所試示介衆曰遷人中乃有如此書



判嗟嘆久之陞代兄為長安尉太子文學以  
清白五為察訪使魏奉古等所荐王郎初開  
盛選僚屬拜薛王友杜國伯姊御史大夫張  
知泰妻魯郡大夫亡將葬數家占君不宜臨  
壙君哭而拒之曰豈有忘手足之痛牽拘忌  
而忍自<sup>絕</sup>紙乎弗從其年秋七月才生明邁疾  
而歿教義者隱而傷焉與會稽賀知章陳郡  
殷踐敵吳郡陸象先上谷寇泚河南源光裕  
博陵崔瓌友善事具陸據所撰神道碑累贈  
秘書少監國子祭酒太子少保真卿表謝肅

宗批答云卿之先人德行優著學精百氏藝  
絕六書頻擢甲科屢升循政曳踞王府名石  
鄒枚載筆春宮道高徐沈既而壽乖華髮器  
紆青雲業載使<sub>吏</sub>臣慶傳令子追存盛美褒贈  
崇班且旌善於義方俾揚名於有後濠州生  
春卿杲卿曜卿旭卿茂曾春卿工詞翰個儻  
有吏材蘓頰舉茂才偃師丞杲卿文理清峻  
所居有聲太常居攝常山太守祿山反擒其  
心手開土門拜衛尉卿兼中丞城陷杲卿叱  
詈之遂被鈎舌支解而終贈太子太保謚曰



忠節真卿表謝肅宗批荅云自羯胡猖狂入我河縣所在官更多受迫脅卿兄以人臣大節獨制橫流或俘其謀主或斬其元惡當以殺兵懸絕身陷賊庭旁若無人歷數其罪手足寄於鋒刃忠義形於顏色古所未有朕甚嘉之曜卿工詩善草隸十五以文學真崇文館淄州司馬旭卿善草書亂山令茂曾好屬文詁訓仁厚絕衆特為司馬君生闕疑允南喬卿真長幼輿真卿允藏闕疑仁孝有更能精詩傳善剖判杭州參軍允南仁孝有清識

工詩人多誦其佳句善草隸與春卿杲卿曜卿同日於銓庭為侍郎席建侯所賞達奚珣薦為左補闕真卿時為殿中正至三拱法座蹈舞而衣袂相接者三故允南賦詩云誰言百人會兄弟也需陪歷殿中膳部司封郎中司業金鄉男喬卿仁和有吏幹富平尉真長清直早世幼輿方雅有醞藉通班漢左清道兵曹真卿早孤蒙伯父允南親自教誨舉進士歷校書制舉醴泉尉陟清白長安尉三院御史四為大夫六為尚書再為採訪節度充



禮儀使光祿大夫魯郡公允藏敦質孝悌有  
吏能制舉延昌令監察充朔方衣資使殿中  
三為侍御史中允江陵少尹荆南行軍濠州  
及君孫泉明佐父開土門彭州司馬威明邛  
州司馬季明子幹沛詡頗誕及外孫博野尉  
沈盈盧逖並為逆胡所害各蒙贈五品京官  
濬好屬文翹華正頴慈明都水使者頗好五  
言校書頴仁孝方正明經大理司直嶺南營  
田判官執喪九日不食頡河陽尉頡鳳翔參  
軍頗工小楷洗馬頡恭仁奉禮郎並早喪逝

絃方義主簿泉明靚並沒蠻龍不微明德明  
未仕通明獲嘉尉將明昌明尉克明崇文明  
經衛密標榜之翹有德行文詞華原主簿準  
漂水尉靚頗工文襄陽尉靚有文行弘文進  
士顥仁友清白常熟令封金鄉男頴清介勤  
學侍郎蔣洌賞其判京兆兵曹襲金鄉男岫  
仁純常熟主簿任城男頡浚儀尉頡清源尉  
頂幹辦揚府法曹願長厚清白朝邑尉願左  
率倉曹頡祕書正字頡有吏幹歙州錄事參  
軍曲阜男頡好為詩富陽尉頡好為文常州



金苑珠璣卷二十  
一  
叅軍並粗有所立君之諸祖諸父群從揚庭  
願並侍讀強學益期並學士中和至誠敬仲  
大智溫之激之澹之措挺援撰溫泳陵並明  
經康成強學希莊日損隱朝鄰幾知微舒說  
順勝式宣韶並進士制舉有意中和趨庭希  
莊至刺史利仁明天文欣期元淑景靈並校  
書光庭注後漢書嘉賓千里昇庠斥朝怡滄  
渾允濟播逸覲不器防有文詞博古少連恭  
敏博學行敬仲溫之以孝聞潤有風義冕鱗  
邈迢以清白稱其餘咸著官族不獲悉數洪

惟累祖之耿光丕業有君子泉弘都之德行  
巴陵記望之書翰特進黃門之文章祕監華  
州之學識肇自魯國格于聖代紛綸盛美遂  
舉集于君君能述遵前人不失墜其事以  
忝聿修宜其克饗尊榮為清廟不祧之主真  
御幸承遺訓叨受國恩旣荷無疆之休敢揚  
不朽之烈銘曰

系我宗邦顏公子封郎魯附庸亞孔聖浴沂  
風刺青徐給事中護營柳渡江楓侍兄疾感  
地童鄰火斷珥貂重施七葉傳孝恭武騎都



尉司從便尺牘繼魚蟲慟君難憤而終咨施  
室游湘東嗟禦正稟移忠衆黃門擅文雄三  
韶長事東宮四穆叔史牢籠褒華州詁訓通  
小祕監盛名鴻維少保文翰工蒞畿赤五褒  
宗登望苑友桂叢三超贈保儲躬流光盛廟  
貌融永不祧垂無窮

建中元年歲次庚申秋七月癸亥朔鐫  
畢八月己未真御蒙恩遷太子少師冬  
十月壬子男頤封沂水縣男頤新泰縣  
男姪男頊 縣男頊費縣男頊鄒縣男

顧九伯

其解

居仲

陳侯

翁德厚

李建泰

王運垣

張作机

黃正石

杓双安

古麻人廣東即州府院平好意移海陽縣人天啟二年進士

河南開封府延津縣人天啟二年進士

四川成都府人天啟二年進士

福建泉州府晉江縣人天啟二年進士

山西尚府田原縣人天啟二年進士

江西撫州府東鄉縣人天啟二年進士

福建泉州府晉江縣人天啟二年進士

福建興化府莆田縣人天啟二年進士

山東兗州府臨沂縣人天啟二年進士





十八

皇朝十二帝年譜

丁未

四十二年甲子

皇朝十二帝年譜 甲子此指 太平有象 丙午後 晉文侯 奉 丁卯後 趙 晉文侯 奉 丁卯後 趙 晉文侯 奉

甲子此指 太平有象 丙午後 晉文侯 奉 丁卯後 趙 晉文侯 奉 丁卯後 趙 晉文侯 奉 丁卯後 趙 晉文侯 奉

戊申七十





